

T 7903/1383 (32)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

MAR 24 1958

卷三十一

上

景岳全書

六十四

大尾

古方

外科



Faint bleed-through text from the reverse side of the page, appearing as ghostly vertical columns of characters.

黃山館

景岳全書卷之六十四春集

外科鈴古方

會稽 張介賓

會稽 謙菴訂

會稽 曾超 謙菴訂

外科

仙方活命飲一治一切瘡瘍未成膿者內消已成膿者即潰

此止痛消毒之聖藥也

川山甲 蛤粉炒黃

白芷

防風

天花粉

赤芍藥

歸尾

乳香

沒藥



貝母

皂刺

甘草各錢

金銀花

陳皮各三錢

酒一碗煎數沸溫服

托裏消毒散

治瘡疽元氣虛弱或行攻伐不能潰散服之

未成即消已成即潰腐肉即去新肉即生若腐肉既潰而新

肉不能收斂屬氣虛者四君子湯為主屬血虛者四物湯為

主氣血俱虛者十全大補湯為主並忌寒涼消毒之劑

人參隨證增減

黃芪鹽水拌炒

當歸

川芎

芍藥炒

白朮炒

茯苓各一錢

金銀花

白芷各七分

甘草

連翹各五分

右水煎服○陳氏托裏消毒散內多陳皮方在痘瘡○

秘方托裏散

治一切瘡毒始終常服不致內陷

大者一個半

當歸酒拌

黃芪鹽水炒

白芍藥

甘草各一兩半

熟地

天花粉

金銀花

皂刺炒各一兩

右每用藥五兩以無灰酒五茶鍾入磁器內厚紙封口再用

油紙重封置湯鍋內蓋煮至藥香取出分服直至瘡愈○立

齋曰此方藥品平易消毒之功甚大且不動臟腑不傷血氣

不問陰陽腫潰屢用屢效真仙方也常治發背腦疽勢盛者
更用隔蒜灸之若脉沉實大小便秘者先用疎通而後用此
其功甚捷若火毒已退不作膿或不潰者更宜托裏潰而不
斂及膿清者用峻補

神功托裏散 四 一名金銀花散 ○治癰疽發背腸癰乳癰及

一切腫毒或焮痛憎寒壯熱

金銀花 黃芪 當歸 甘草 等分

右用酒水各一鐘煎至一鍾分病上下食前食後服之少頃
再服一劑粗敷患處不問老少虛實皆可服若為末酒調服

尤妙

參芪托裏散 五 治瘡瘍氣血俱虛不能起發或腐潰不能收

斂及惡寒發熱者

人參 氣虛多用之 黃芪 炒 白朮 炒 當歸

熟地 芍藥 酒炒 茯苓 陳皮 各一錢

右水煎服

參芪內托散 六 方在痘疹七

治癰疽膿毒不化及潰後作痛

托裏養營湯 七 治癩癧澆注及一切癰疽不足之證不作膿

或不潰或潰後發熱或惡寒肌肉消瘦飲食不思睡臥不寧盜汗不止

人參

黃芪 炙

當歸 酒拌

川芎

芍藥 炒

白朮 炒各一錢

熟地 二錢

五味子 炒研

麥冬

甘草 各五分

水二鍾薑三片棗一枚煎七分食遠服

托裏黃芪湯 八

治癰疽氣虛作渴甚效

黃芪 蜜炒六錢

甘草

天花粉 各一錢

水二鍾煎八分頻服之○加人參一錢亦可○若氣血俱虛

膿血大泄而作渴或兼發熱者宜用托裏養營湯

內補黃芪湯 九

治癰毒內虛毒不起化以潰後諸虛迭見

黃芪 炙

麥冬 各一兩

人參

熟地

茯苓

甘草 各七分

白芍藥

當歸

川芎

遠志

官桂 各五分

右每服一兩薑棗水煎服

托裏當歸湯 十

治潰瘍氣血俱虛或胸熱內熱寒熱往來或

婦人諸瘡經候不調小便頻數大便不實等證但瘡瘍氣血

虛而發熱者皆宜服之久服亦收斂瘡口

人參

黃芪

當歸

熟地

川芎

芍藥

柴胡

甘草

右水煎服

托裏健中湯 十一

治瘡瘍元氣素虛或因涼藥傷胃飲食少

思或作嘔瀉等證

人參

白朮

茯苓

半夏

炮薑

黃芪

炙甘草

肉桂

右薑棗水煎服

托裏溫中湯 十二

治瘡瘍膿潰元氣虛寒或因剋伐胃氣脫

陷腸鳴腹痛大便溏泄神思昏憤此寒變內陷緩則不治

附子

炮去皮 臍一錢

乾薑

炒三錢

益志

丁香

羌活

沉香

木香

茴香

陳皮

各一錢

炙甘草

二錢

右薑水煎服

托裏益中湯 十三

治中氣虛弱飲食少思或瘡不消散或潰

而不斂

人參

白朮

茯苓

炮薑

陳皮

半夏

木香

炙甘草

各五分

右薑棗水煎服

托裏溫經湯 十四

治瘡瘍寒覆皮毛鬱遏經絡不得伸越熱

伏營中聚結赤腫作痛惡寒發熱或痛引肢體若頭面腫痛

熨甚仍宜破之

麻黃

升麻

防風

乾葛

白芷

人參

當歸

芍藥

甘草

蒼朮

各一錢

右水二鍾煎一鍾服臥煖處得汗乃散○或加柴胡

托裏益黃湯 十五

治脾土虛寒水反侮土以致飲食少思或

嘔吐泄瀉等證

人參

白朮

茯苓

陳皮

半夏

各一錢

炮薑

丁香

炙甘草

各五分

右薑棗水煎服

托裏清中湯 十六

治脾胃虛弱痰氣不清飲食少思等證

人參

白朮

茯苓

陳皮

各一錢

半夏

八分

桔梗

七分

甘草

五分

右薑棗水煎服

托裏抑青湯 十七

治肝木侮脾脾土虛弱以致飲食少思或

胸膈不利等證

人參

白朮

茯苓

半夏

陳皮 各一錢

芍藥

柴胡

甘草 各五分

右薑棗水煎服

托裏營衛湯 十八

治瘡瘍外無炊腫內便調和乃邪在經絡

也宜用此藥

人參

黃芪

當歸

甘草 灸

紅花

柴胡

連翹

蒼朮 米泔浸炒

羌活

防風

黃芩 各一錢

桂枝 七分

右酒水煎服

托裏越鞠湯 十九

治六鬱所傷脾胃虛弱飲食少思等證

人參

白朮 各二錢

陳皮

半夏 各一錢

山梔

川芎

香附

蒼朮 各七分

炙甘草 五分

右薑棗水煎服

定痛托裏散 二十

治瘡瘍血虛疼痛之聖藥也

栗殼 去蒂炒 二錢

當歸 酒拌

白芍藥 炒

川芎 各一錢半

乳香

沒藥

肉桂 各一錢

右薑棗水煎服

內托復煎散 二二

治瘡瘍喉腫在外其脉多浮邪勝必侵於

內宜用此托之

人參

白朮炒

當歸

黃芪鹽水炒

芍藥炒

茯苓

甘草炙

地骨皮

肉桂

防己酒炒

黃芩各一錢

防風二錢

右先以蒼朮一升水五升煎去朮入藥再煎至二升終日飲之

內托羌活湯 二二

治腎癰堅硬腫痛兩尺脉緊無力

羌活

黃柏各一錢

防風

當歸尾

藁本

肉桂各一錢

連翹

蒼朮米泔浸炒

陳皮各五分

黃芪鹽水炒一錢半

右水酒各一鍾煎八分食前服

內塞散 二三

治陰虛陽邪湊襲患腫或潰而不斂或風寒襲

於患處血氣不能運行久不能愈遂成漏證

附子童便浸炮

肉桂去皮

赤小豆

炙甘草

黃芪鹽水炒

當歸酒拌

茯苓

白芷

桔梗炒

川芎

人參

遠志去骨

厚樸制各一兩 防風四錢

右為末每服二錢空心溫酒下或酒糊丸鹽湯下或煉蜜為丸亦可

沖和湯二四 治瘡屬半陰半陽似潰非潰似腫非腫此因元

氣虛弱失於補托所致

人參 皮各二錢 黃芪 白朮

當歸 白芷各一錢半 茯苓 川芎

皂角刺炒 乳香 沒藥 金銀花

甘草節各一錢

右水酒各半煎服

神效酒前散二五 治一切瘡瘍能托毒散毒其效如神

人參 沒藥另研 當歸尾各一兩 甘草三錢

括萋一個半生半炒

右以酒三碗煎二碗分四服○或以為末酒糊丸桐子大每服五十九丸用酒下善消毒活血

人參黃芪湯二六 治潰瘍飲食少思無睡發熱

人參 白朮 蒼朮 麥冬

陳皮 當歸 升麻各五分 黃芪一錢

黃柏炒四分

右水煎服

黃芪人參湯二七

治潰瘍虛熱無睡少食或穢氣所觸作痛

黃芪鹽水炒二錢

人參

白朮

蒼朮米泔浸炒

當歸酒拌

麥門冬

五味子炒

甘草各錢

升麻

神麴炒

陳皮各五分

黃柏酒炒二分

水二鐘薑三片棗一枚煎服

黃芪建中湯二八

內托癰疽諸毒

黃芪蜜炙

肉桂各三錢

甘草炙二錢

白芍藥六兩

右每服一兩薑棗水煎服

參朮補脾湯二九

治肺疽脾氣虧損久欬吐膿或中滿不食

必服此藥補脾土以生肺金否則不治

人參

白朮各二錢

黃芪二錢

茯苓

當歸

陳皮各一錢

麥冬七分

北五味四分

桔梗六分

炙甘草五分

右薑棗水煎服

參芪補肺湯三十

治肺證欬喘短氣或腎水不足虛火上炎

痰涎壅盛或吐膿血發熱作渴小便短澀

人參

黃芪

白朮

當歸

陳皮

茯苓 各一錢

山藥

山茱萸 各二錢

五味子

炙甘草 各五分

熟地黃 一錢半

麥門冬

牡丹皮 各八分

右薑棗水煎服

益氣養營湯 三一

治怔忡抑鬱或氣血損傷四肢頸項等處

患腫不問軟硬赤白腫痛或日晡發熱或潰而不斂

人參

黃芪 鹽水炒

當歸

川芎

熟地

芍藥 炒

貝母

香附

茯苓

陳皮 各一錢

白朮 二錢

柴胡 六分

甘草

桔梗 各五分

右薑水煎服○口乾加五味子麥門冬往來寒熱加軟柴胡

地骨皮膿清加人參黃芪膿多加川芎當歸膿不止加人參

黃芪當歸肌肉遲生加白蘇官桂

補陰八珍湯 三二

治瘰癧等瘡足三陰虛者

人參

白朮

茯苓

甘草

當歸

川芎

熟地

芍藥

黃柏 酒炒

知母 酒炒各七分

右水煎服

參朮薑附湯 三三

治瘡瘍真陽虧損或誤行汗下或膿血出

多失於補托以致上氣喘急自汗盜汗氣短頭暈泄瀉

人參

附子

炮去皮臍

乾薑

炮

白朮

各五錢

右作二劑水煎服

附子理中湯 三四

治瘡瘍脾胃虛寒或誤打攻伐手足厥冷

飲食不入或腸鳴腹痛嘔逆吐瀉

附子

人參

白茯苓

白芍藥

各三錢

白朮 四錢

右水煎服

六物附子湯 三五

治四氣流注於足太陰經骨節煩疼四肢

拘急自汗短氣小便不利或手足浮腫

附子 制

防己

桂枝

各四錢

炙甘草

一錢

白朮

茯苓

各三錢

右作二劑水一鍾半薑三片煎一鍾食遠服

附子八物湯 三八

治瘡瘍陽氣脫陷嘔吐畏寒泄瀉厥逆

附子 炮

乾薑

炮

芍藥

炒

人參

炙甘草

茯苓

各一錢

肉桂

一錢

白朮

二錢

石水煎食遠服

四物湯 三七

治脾腎虛寒瘡屬純陰或藥損元氣不腫痛不

腐潰或腹痛泄瀉嘔吐厥逆及陽氣脫陷等證

人參

白朮

黃芪 各三錢

乾薑 炮

附子 炮

甘草 炙

陳皮

當歸 各二錢

柴胡

升麻 各五分

右酒水煎服如不應倍加薑附

薛氏 加減八味丸 三二八

治瘡瘍後及將痊口乾渴甚或舌上

生黃或未患先渴此皆腎水枯渴不能上潤以致心火上炎

水火不能相濟故煩躁作渴小便頻數或白濁陰痿飲食不

多肌膚漸消或腿腫脚先瘦服此以降心火滋腎水則諸證

頓止及治口舌生瘡不絕

熟地

八兩酒蒸搗膏

山茱萸

酒浸杵膏

山藥

各四兩

澤瀉

蒸焙

白茯苓

牡丹皮

各三兩 桂心 一兩

北五味

四兩半炒

右為細末入二膏加煉蜜少許丸桐子大每服六七十丸五

更初言語前或空心用鹽湯送下 此即陳氏加減八味丸

也 方在補陣一二三

加味地黃丸 三九

治肝腎陰虛瘡毒或耳內痒痛出水或眼

昏痰氣喘嗽或作渴發熱小便赤澁等證

熟地

山藥

山茱萸

白茯苓

澤瀉

牡丹皮

柴胡

北五味

各為末等分

右將地黃搗碎酒拌濕蒸爛杵膏入諸藥和勻加煉蜜為丸

桐子大每服百丸空心白湯送下如不應用加減八味丸

當歸川芎散

四十

治手足少陽經血虛瘡證或風熱耳內痒

痛生瘡出水或頭目不清寒熱少食或婦女經水不調胸膈

不利脇腹痞痛

當歸

川芎

柴胡

白朮

芍藥

各一錢

山梔

炒一錢二分

牡丹皮

茯苓

各八分

蔓荊子

甘草

各五分

右水煎服

加味敗毒散

四一

治足二陽經熱毒流於脚根焮赤腫痛寒

熱如瘧自汗短氣大小便不利或無汗惡寒表裏邪實者宜

之

羌活

獨活

前胡

柴胡

桔梗

人參

茯苓

枳殼

甘草

川芎

大黃

蒼朮

各一錢

水二鍾薑三片煎服

九味羌活湯 四二 方在散陣四四

治瘡瘍風熱鬱遏焮腫作痛或遍身作痛或拘急不利及頭
痛惡寒脊強脈浮緊

加味羌活湯 四三

卽前湯加金銀花連翹用解瘡毒

白芷胃風湯 四四 治手足陽明經氣虛風熱面目麻木或牙

關緊急眼目瞶動

白芷 各二錢半 升麻 各二錢半 葛根 蒼朮 米泔炒各八分

炙甘草 當歸 各一錢半 草豆蔻 黃柏 炒

柴胡 藁本 羌活 麻黃 去節各四分

蔓荆子 僵蚕 各三分

右水煎服

葛根牛旁湯 四五 治時毒腫痛而便利調和者

葛根 管仲 甘草 豆豉

牛旁子 半生半炒各二錢

右水煎服

犀角地黃湯 四六 治胃火血熱妄行吐衄或大便下血

犀角鎊為末

生地

牡丹皮

芍藥各一錢半

黃芩炒

升麻各一錢

右水煎熟入犀角末服

犀角升麻湯四七

治時毒或風熱頭面瘡痛或咽喉不利或

鬢疽疔腮等證

犀角鎊

升麻

防風

羌活各錢半

白芷

白附子

黃芩各一錢

甘草六分

右水煎服入犀角末服

玄參升麻湯四八

治心脾壅熱舌上生瘡或木舌重舌或連

頰兩邊腫痛或咽痛發斑並治之

元參

升麻

赤芍藥

犀角鎊末

桔梗炒

管仲

黃芩各一錢

甘草五分

水二鍾煎八分入犀角末食後服

升麻黃連湯四九

治胃經熱毒腮腫作痛或發寒熱

升麻

川芎

當歸各一錢半

連翹

黃連

牛旁子

白芷各一錢

右水煎服○若腫連太陽加羌活連耳後加山梔柴胡

秘傳連翹湯五十

治癰疽時毒腫痛癩腫

連翹

升麻

樸硝

玄參

芍藥

白芍

防風

射干

大黃

甘草

杏仁

射干

右每服五七錢水煎服下惡物後服內托之類

五香連翹湯

治腦疽癰疽時毒邪氣鬱滯不行者

乳香

木香

沉香

丁香

香附

黃芪

射干

連翹

升麻

木通

獨活

桑寄生

甘草

右水煎服

復元通氣散

治乳癰便毒腫痛及一切氣滯腫毒或打

撲損傷閃跌作痛及疝氣尤效

木香

舶上茴香

青皮

陳皮

白芷

甘草

貝母

川山甲

漏蘆

一方有玄胡索白牽牛炒無白芷漏蘆

右為末每服二三錢溫酒調下

當歸散

通經絡行血滯

當歸

川山甲

蒲黃

辰砂

麝香 少許

右為末每服三錢熱酒調下如不飲酒薄荷醋湯亦可

方脈流氣飲 五四

治瘰癧流注鬱結腫塊或走注疼痛或心

胸痞悶咽塞不利脇腹膨脹嘔吐不食上氣喘急欬嗽痰盛

面目四肢浮腫大小便秘

當歸

川芎

芍藥 炒

茯苓

黃芪 炙

炙甘草

紫蘇

青皮

烏藥

半夏 制

桔梗 炒

枳實 炒

防風

陳皮 各一錢

木香

大腹皮

枳殼 炒

檳榔 各五分

水二鍾薑三片棗一枚煎八分食遠服

瘡科流氣飲 五五

治流注及一切悲怒氣結腫痛或胸膈痞

悶或風寒濕毒搏於經絡致成腫塊肉色不變或漫腫木悶

無頭

人參

當歸 酒拌

黃芪 鹽水炒

芍藥

官桂

厚朴 制

甘草

防風

紫蘇

枳殼

烏藥

桔梗 炒各七分

檳榔

木香

川芎

白芷 各五分

右水煎服

陳氏獨聖散 五六

凡患瘡瘍皆因氣血凝滯宜服香劑蓋香能行氣通血也如瘡初作便宜以此入茶飲之

香附子 薑汁浸一宿焙乾研末

右無時以白湯調服二錢○潰後以局方小烏沉湯為尤妙

乳香定痛散 五七

治瘡毒損傷血凝氣滯壅腫拘攣筋骨疼痛

痛

乳香

沒藥 各另研

羌活

五靈脂

獨活 各二錢

川芎

當歸

真綠豆粉

肉桂

白芷

白膠香

各半

右為末煉蜜丸如彈子大每服一丸細嚼薄荷湯或酒送下

手足損痛不能舉動加草烏五錢鹽湯送下

消毒散 五八

治乳癰吹乳並便毒如憎寒壯熱或頭痛者宜

先服人參敗毒一二劑方可服此藥如無前證即服此藥三

二劑或腫不消宜服托裏散

金銀花

青皮

天花粉

柴胡

殭蚕 炒

貝母

當歸 酒拌

白芷 各二錢

水二鍾煎一鍾食遠服如治便毒加大黃一二錢煨用空心

服

清熱消毒散 五九 治一切癰疽陽證腫痛發熱作渴

黃連炒 山梔炒 連翹 當歸

甘草各一錢 川芎 芍藥 生地各一錢半

金銀花 二錢

右水煎服

東黃連消毒散 六十 治腦疽背疽焮腫疼痛或麻木

黃連炒 羌活各一分 黃芩 黃柏

桔梗 藁本 防已各五分 歸尾

連翹 防風 獨活 知母炒

生地各四分 人參 甘草各三分 黃芪

蘇木 陳皮 澤瀉各二分

右水煎服

連翹消毒散 六一 治癰疽實熱諸證○亦名清涼飲亦即局

方涼膈散

連翹 一兩 梔子 大黃 薄荷葉

黃芩各五錢 甘草一兩半 朴硝二錢半

右每服一兩水煎溫服

加味解毒湯 六二 治癰疽實熱大痛不止

黃芪 鹽水炒
黃連 炒
黃芩 炒
黃柏 炒

連翹
當歸 酒拌各七分
甘草 炙
白芍藥

梔子 炒各一錢

水二鍾煎服痛即止

解毒防風湯 六三 治斑疹或痒或痛

防風 一錢
黃芪
芍藥
地骨皮

枳殼 炒
荆芥 各二錢

水煎徐徐服

氏解毒防風湯 六四 方在痘疹五六

治痘疹毒氣熾盛

散腫潰堅湯 六五 治癰癰堅硬氣血無虧宜用之

柴胡
黃芩 各四分
白芍藥 炒
升麻

連翹
黃柏 酒炒
蓬朮
三稜 酒拌微炒

乾葛
歸尾 各三分
知母 酒炒
龍膽草 酒炒

天花粉
桔梗
昆布 各五分
炙甘草 二分

右水煎服

瓜蒌托裏散 六六 治瘡瘍毒盛者未成則易消已成則易潰

既潰則生肌

黃瓜蔓

一個 杵碎

忍冬藤

乳香

各一兩

蘇木

五錢

沒藥

三錢

甘草

二錢

右用酒三碗煎二碗空心日午臨睡分三服○或以此為末

酒糊丸彈子大硃砂為衣細嚼用當歸酒送下治打撲損傷

尤妙

萬金散

六七

一名內托散○治癰疽已潰未潰者有消毒破

血之功

括囊

一個 杵碎

沒藥

一錢 研

大甘草節

二錢

右用酒二碗煎一碗去粗後入沒藥服

製甘草湯 六八

治懸癰不拘腫潰亦治癰疽

用大甘草一兩切三寸長用澗水一碗浸透以慢火炙乾仍

按前水浸透再炙至水乾為度却挫細用無灰酒二鐘煎七

分空心服嘗有人患此已破服兩劑瘡即合○一國老膏方

用大甘草二斤以河水浸取漿汁去粗用銀石器熬成膏磁

罐收貯每服一二匙酒調服或水亦可尤解丹藥之毒○一

方治癰疽用生甘草為末酒調服二錢連進數服自消

梅花飲子 六九

癰疽初起服之可防毒氣內攻

川芎

乾葛

天花粉

黃芪

烏梅

甘草

蘇木

忍冬藤

右作四劑水煎服

牛膠散 七十 治癰疽使毒不內攻不傳惡證有益無損

牛皮膠 廣中明 百四兩

右用酒一碗重湯煮化加酒服至醉不能飲者加白湯

明膠飲子 七一 治一切癰疽疔毒

明廣膠 蛤粉 炒珠 粉甘草 各一兩 橘紅 五錢

右作三劑水煎服

護心散 七一 解金石砒硫發疽之毒

綠豆末 一兩 明乳香 半兩 研細

右以生甘草煎湯調時時與呷務使藥氣常在膈間

清心內固金粉散 七三 一名金花散○解毒清心流行氣血

散滯清火允燼腫熱痛飲食如常者大宜用之

綠豆 四兩 研末 硃砂 另研 人參 甘草

白茯苓 各三錢 朴硝 另研 白豆蔻 各五分 麝香 另研

雄黃 各一錢 冰片 五分

右為末每服一二錢蜜湯調下

蠟礬丸 七四

一名黃礬丸○治金石發疽一切癰疽托裏止
疼痛護臟腑神妙不問老少皆可服之

黃礬 一兩黃色佳者溶開離火入礬末○一方止用七

錢

白礬 一兩明亮淨者研末

右二味和勻衆手急丸桐子大每服二三十丸漸加至四五
十丸熱水或鹽湯送下日進二三服服至三四兩之上愈見
其功矣○加服金石發疽別用白礬末一兩作三五服溫酒
調下尤效○有人遍身生瘡狀如蛇頭各曰蛇頭瘡允宜服

之○治蛇蝎毒虫咬傷溶化熱塗傷處痛止毒出仍服兩許

○此方不惟止痛生肌而已其護膜止瀉消毒化膿及內癰
排膿托裏之功甚大

千金化毒丸 七五

治諸惡毒

用白礬三錢糊丸以葱頭七莖煎湯送下則腫痛俱退再用
仙方活命飲二劑以去其餘毒此本方原用礬末以葱湯調
服因湯難服故易為丸○一方士治瘡疽不問腫潰先用此
藥二三服後用消毒藥甚效常治葛葉之人用此即退不用
托裏藥亦愈若金石毒藥發疽者尤效蓋礬能解金石之毒

也○一方用礬末五錢硃砂五分熱酒下亦效此藥托裏固
內止瀉解毒排膿不動臟腑不傷氣血有益無損其藥易得
其功甚大偏僻之處不可不知此方或虫尤所傷溶化熱塗
患處更以熱酒調末服皆效

五福化毒丹 七六

治咽喉牙口瘡毒腫痛並小兒一切熱毒

瘡癩驚惕煩躁口舌生瘡夜臥不寧等證

玄參

桔梗 各二兩半

茯苓 三兩半

人參

牙硝

青黛 各一兩

甘草 七錢半

麝香 少許

金箔 二十片

右爲末煉蜜丸茨實大每服一九薄荷湯化下○若痘毒上
攻口齒生瘡以生地黃汁化服及用鷄翎掃付患處

奪命丹 七七

治疔瘡發背等證或麻木或嘔吐重者昏憤此

藥服之不起者卽起不痛者卽痛痛甚者卽止昏憤者卽甦
嘔吐者卽解未成者卽消已成者卽潰有奪命之功乃惡證
中之至寶也

蟬酥 酒化

輕粉

麝香 各五分

枯礬

寒水石 煨

銅綠

乳香

沒藥 各一錢

硃砂 三錢

蝸牛 二十個另

研無亦可

右為末用蝸牛或酒糊搗丸綠豆大每服二三丸溫酒葱湯下或用葱白三四寸病者自嚼爛吐於手心包藥在內用熱酒和葱送下如入名五七里汗出為效重者再服一二丸或外用一丸入瘡孔內以膏藥貼之

飛龍奪命丹 七八 治一切疔瘡毒瘡出汗則愈神效

乾蟾酥 二錢 沒藥 研砂 寒水石 煨

雄黃 各二錢 乳香 硃砂 血竭 嚼成餅者真

枯礬 各一錢 輕粉 水片 各五分 蜈蚣 一條去頭酒浸焙乾

蝸牛 四十九個研為膏或無亦可

右各研為細末取蝸牛蟾酥研勻入諸末熟杵丸綠豆大硃砂為衣每服四五丸嚼葱白一口吐在手心將藥包葱內用溫酒吞下須臾汗出或少吐瀉毒即解

立齋曰前可生丹乃慄悍攻毒之劑也蓋無經不至無氣不動者後奪命丹尚緩若食一切禽畜毒物及瘡脈浮緊細數毒畜在內並惡毒證凡宜汗吐者當用前丹有神效若老弱之人或瘡毒稍輕者宜用後丹或更以隔蒜灸之為良

回生丹 七九 李願顏先生口授非泛常之藥萬寶之秘專治

一切疔毒並有神效

金脚信

明礪砂

明乳香

半夏

上紅丹

各五分

巴豆肉

不去油

明雄黃

大南星

南礪砂

各一錢

大班貓

十五個去頭足翅

右為細末旋取蟾酥和丸麻子大硃砂為衣每服十五丸好

酒下看碧生上下食前後服能飲者至醉為佳凡腫毒失治

毒氣入腹用此藥能起死回生服藥後吐瀉俱作乃甦

迎氣散

八十

治時毒腫甚咽喉不利取嚏以泄其毒

玄參

一錢

牙皂

川芎

各一錢

藜蘆

五分一方無此

羊躑躅花

一錢

右為末用紙燃蘸少許入鼻內取嚏為度○按此方止用皂

角川芎北細辛三味即可亦不必藜蘆躑躅之毒也總不

若通關散為妙方在因陣九十八

梔子仁湯

八一

方在寒陣十九

治發熱狂躁咽喉腫痛

六味梔子仁湯

八二

治時毒腫痛大便秘結脉沉數

山梔

炒

枳殼

大黃

煨

升麻

牛蒡子

炒

鬱金

等分

右水煎服或為細末每服三錢蜜水調下

清肝益營湯 八三

治肝膽小腸經風熱血燥筋攣結核或耳

項胸乳脇肋作痛並一切肝火之證

山梔

當歸

木瓜 不犯

茯苓 各一錢

柴胡

芍藥 炒

川芎 各七分

龍膽草 八分

白木 二錢

熟地 一錢半

炙甘草 五分

右薑水煎服

清心湯 八四

治瘡瘍腫痛發熱飲冷脉沉實睡語不寧右方

即防風通聖散每料加黃連五錢每劑用一兩水煎服方在

攻陣十六

濟陰湯 八五

治瘍毒純陽腫痛發熱

連翹 二錢

山梔 炒

黃芩 炒

黃連 炒

甘草 各一錢

芍藥 一錢半

牡丹皮 一錢二分

金銀花 三錢

水煎服○大便若秘量加大黃

地骨皮散 八六

治瘡瘍氣虛內熱煩渴不寧

人參

黃芪

生地黃

地骨皮

柴胡 各一錢半

白茯苓

石膏 煨

知母 各一錢

水薑煎服

一味苦參丸 八七

治一切癰疽毒瘡焮腫作痛或煩躁

苦參 不拘多少為末

右用水糊丸桐子大每服二三錢温酒下

陳氏苦參丸 八八 治遍身搔痒癬疥瘡瘍

苦參 四兩 玄參 黃連 大黃

獨活 枳殼 防風 各二兩 黃芩

梔子 菊花 各一兩

右為末煉蜜丸桐子大食後茶酒任下三四十九日三服

五利大黃湯 八九 治時毒焮腫赤痛煩渴便秘脉實而數

大黃 煨 黃芩 升麻 各二錢 芒硝

梔子 各一錢半

水一鍾半煎六分空心熱服

清涼飲 九十 治癰瘍熱毒熾盛大便秘結○此即前連翹消

毒散

連翹 一兩 大黃 山梔子 薄荷

黃芩 各五錢 甘草 一兩 朴硝 二錢半

右每服一兩水煎服

宣毒散 九一 治一切癰毒其功不可盡述

大黃 煨 白芷 各五錢

水二鐘煎一鐘食前服

立齋曰此方乃宣通攻毒之劑若脉沉實便秘者毒在臟也宜服之其功甚大若臟腑調和脉不實者不可用醫林集要方用大黃一斤白芷六兩為末每服三錢熱酒調下更用茶清調搽患處名曰萬金散蓋因其功而珍之也或用水跌為丸以便於服亦可吳江申僉憲兄患背疽堅硬脉沉實乃毒在內用一服大小便下汚物再服而消惡患者忽此一藥故以此嘗驗者告之

拔毒散 九二 治一切癰疽腫毒其功不可盡述

乳香 沒藥 當歸 川山甲

木鱉子 連翹 甘草 瓜蒌仁

牙皂 貝母 忍冬藤 大黃

石水酒各一鍾煎一鍾食前服○此方攻毒止痛化膿之良劑也屢用屢驗若膿成或已潰者大黃可不用恐泄其真氣

則膿者難潰潰者難斂也亦有膿雖潰脉仍洪數或沉實喜冷者火邪尚在又所宜用

內疎黃連湯 九三 治瘡瘍發熱而嘔大便秘結脉洪而實

黃連 芍藥 當歸 檳榔

木香

黃芩

梔子

薄荷

桔梗

甘草 各一錢

連翹

大黃 各一錢半

薑水煎仍量虛實治之

桃仁湯 九四

逐瘀血

桃仁

蘇木 各一兩

生地黄 五錢

黃芩 去足 翹炒

水蛭

炒各三二十個

右每服三錢水一盞煎六分空心服

漏蘆湯 九五

治腦疽癰疽毒盛實者

漏蘆

黃芪

甘草

連翹

沉香 各五錢

大黃 一兩 微炒

右每服四五錢薑棗水煎服

千金漏蘆湯 九六

治癰疽發背丹疹時行熱毒亦腫焮痛

漏蘆

黃芩

白蘆

連翹

枳殼 炒

升麻

粉草

麻黃 去節

大黃 濕紙 裹煨

朴硝 各一兩

右每服五六錢薑水煎去粗空心服下惡物為妙

漏蘆升麻湯 九七

治時毒頭面紅腫咽噎堵塞水藥不下若

臟腑素有積熱發為腫毒疔瘡一切紅腫惡毒

漏蘆 二錢
升麻 一錢
黃芩 酒洗
生甘草

玄參
牛旁子 炒
苦梗
連翹 各一錢

藍葉 如無用
青黛 重
大黃 酒浸量輕
重用之

水煎服大利之結者加芒硝

潤腸丸 九八
治脾胃伏火大腸乾燥或風熱血結宜用此丸

通之若結在直腸宜用豬膽汁導之蓋腎直五夜開竅於二

陰若津液滋潤則大便通調若津液不足脾氣虧損必當培

補乃忌此藥

桃仁 去皮
麻子仁 各一兩
羌活
歸尾

大黃 煨
皂刺
秦艽 各五錢

右各另研為末煉蜜或豬膽汁丸桐子大每服三四十九白

湯下若用豬膽汁導而糞不結燥者須急補元氣

浚藥丸 九九
善逐滯血

當歸 一兩
桂心
芍藥 各半
桃仁 去皮
尖研

浚藥 各三錢
蛭虫 去足
水蛭 炒各三
十個

右為末醋糊丸桐子大每服三五丸空心醋湯下

當歸丸 百
行血利水通大便

當歸 半兩
大黃
桂心 各三錢
赤芍藥

葶藶

各二錢

人參

甘遂

麩裹煨
半錢

煉蜜丸如彈子大空心米飲化下一丸

破棺丹

百一

治瘡瘍熱極汗多大渴便秘譫語發狂

大黃

二兩半半
生半熟

芒硝

甘草

各二兩

右為末煉蜜丸彈子大每服一九童便酒化下白湯亦可

忍冬酒

百二

解諸癰毒

忍冬藤

鮮者四五兩若乾者止用一兩搗

大甘草節

一兩生用

二味入砂鍋內以水二鍾煎至一鍾再入無灰酒一鍾又煎

數沸去粗分三服病重者晝夜兩劑至大小便通利為度另

用忍冬藤斫爛入酒少許菴患處

金銀花酒

百三

治一切癰疽發背疔瘡喉痺等證

用金銀花藤葉搗爛取汁半鍾和熱酒半鍾溫服甚者不過

三五服可保無虞

槐花酒

百四

治癰瘍熱毒最妙

用槐花四五兩炒微黃乘熱入酒二鍾煎十餘滾去粗熱服

未成者二三服已成者一二服但察其有熱毒未清者皆可

用槐花治濕熱之功最為神速惟胃寒者不宜服大抵腫毒

非用蒜炙及槐花酒先去其勢雖用托裏諸藥其效未必甚速

蒲公英酒 百五

治乳癰吹乳不問已成未成皆可用

用蒲公英一握搗爛入酒半鍾取酒溫服粗貼患處甚者不過三五服即愈

遠志酒 百六

能托散諸毒治女人乳癰尤效

遠志 不拘多少用米泔浸洗槌去心

右為末每服三錢用好酒一鍾調遲少頃澄清飲之以滓付患處

牛膝酒 百七

治楊梅風毒腰痛

牛膝

川芎

羌活

五加皮

杜仲

甘草

地骨皮

薏仁 各一兩

生地黃 十兩

海桐皮 二兩

右咬咀用帛裹入無灰酒浸二七日夏月三五日每服一盃

日三五次

消癭酒 百八

昆布 三錢

海藻 五錢

沉香

雄黃 各一錢 研末

海螵蛸 二錢

右爲咀用好酒一升湯煮任意每服一二鍾或浸十餘日亦可飲

桑枝煎 百九

大治口渴

取嫩桑枝細切一升炒以水三升煎一升日服三五劑更多尤妙抱樸子云療風痺乾燥臂痛脚氣四肢拘攣上氣眩暈久服補肺消食利小便輕身耳目聰明令人光澤其功不能盡述

神仙截法 百十

治癰疽發背一切惡瘡預服則毒氣不入內

真麻油

一斤銀器內熬十數沸候冷

右用酒兩碗入油五盞通口熱服一日用盡緩則數日服之

○吳安世云吾家三世用之無有不效又聞獵者云凡中藥箭急飲麻油藥毒卽消屢用甚驗○按右方凡大便秘結而毒蓄於內者最宜用之以疏通其毒若陰毒及大便不實者乃非所宜

砭法 百一一

治丹毒疔瘡紅絲走散或時毒瘀血壅盛用細磁器擊碎取有鋒銳者一塊以箭一根劈開頭尖夾之用線縛定兩手指輕撮箭尾令磁針正對患處約懸寸許再另用箭一根頻擊

筋頭令毒血遇刺皆出毒自減退若毒氣入腹膨脹者難治
刺少商穴 百十二 治咽喉急痛

穴在手大指內側去爪甲角如韭葉刺入二分許以手自臂
勒至刺處出血卽消若重而膿成者必須針患處否則難治

洪丞相麒麟鍼法 百十三

凡癰瘍勢熾毒盛血凝不散者宜用

此法以殺其勢

治癰初作先以筆管一箇人大馬脛一條以管口對瘡頭使
麒麟惡血得去其毒卽散如瘡大須換三四條若吮正穴麒
必死矣屢試屢效若血不止以藕節上泥塗之卽止若瘡頭

未明以井邊泥塗上先乾處卽是

騎竹馬灸法 百十四

治一切瘡瘍無有不愈

其法令病人以手肘凭几而坐男左女右將手臂堅起要直
乃用竹篾一條自臂腕中曲處橫紋間量起貼肉直上至中
指尖盡處截斷爲則不量指甲另用竹扛一條令病人脫衣
正身騎定前後用兩人扛起令病者脚不着地仍使人扶定
勿令偃僕却將前量臂篾從竹扛上尾骶骨坐處直貼脊背
量至篾盡處記之此取中之處非灸穴也又用薄篾量男左
女右手中指節兩橫紋處截爲同身寸法將此寸篾卽安前

脊中點記處兩邊各開一寸盡處卽是灸穴各灸五七壯疽發於左則灸右疽發於右則灸左兩邊俱甚則左右皆灸蓋此穴乃心脉所過之處凡癰疽皆心火之留滯灸此則心火流通而毒自散矣有起死回生之功屢試屢驗

神仙隔蒜灸法

百一十五

治一切癰疽瘡毒大痛或不痛或麻木及治痘疔毒氣熾盛使諸痘不能起發已起發者不能貫膿已貫膿者不能收靨等證如痛者灸至不痛不痛者灸至痛其毒隨火而散此攻散鬱毒從治之法也大有回生之功其法用大蒜頭去皮切三分厚安瘡頭上用艾壯於蒜上灸

之五壯換蒜復灸或三五十壯或一二百壯愈多愈妙未成者卽消已成者亦殺其大勢不能爲害如瘡大用蒜搗爛攤患處將艾鋪上燒之蒜敗再換或陰毒紫白色不起發不痛不作膿者尤宜多灸仍服托裏之劑如灸後仍不痛或不作膿不起發者不治此氣血虛極也

附子餅

百十六

治潰瘍氣血俱虛不能收斂或風寒襲之以致血氣不能運行皆令不斂用炮附子去皮臍研末以唾津和爲餅置瘡口上將艾壯於餅上灸之每日灸數壯但令微熱勿令痛如餅乾再用唾津調和務以瘡口活潤爲度

豆豉餅 百十七

治瘡瘍腫毒硬而不潰及潰而不斂並一切

頑瘡惡瘡用江西豆豉餅為末唾津和作餅子如錢大厚如

三文錢置患處以艾壯於餅上灸之乾則再易如灸背瘡用

漱口水調餅覆患處以艾鋪餅上灸之如未成者即消已成

者亦殺其大毒如有子必氣血虛敗也

木香餅 百十八

治一切氣滯結腫或痛或閃肭及風寒所傷

作痛並效

木香 五錢

生地黃 一兩

右以木香為末生地黃杵膏和勻量患處大小作餅置腫處

以熱熨斗熨之

香附餅 百十九

治癰癤流注腫塊或風寒襲於經絡結腫或

痛

用香附為末酒和量瘡毒大小作餅覆患處以熱熨斗熨之

未成者內消已成者自潰若風寒濕毒宜用薑汁作餅

神效桑枝灸 百二十

治發背不起或瘀肉不潰此陽氣虛弱用桑枝燃着吹熄其

焰用火灸患處片時日三五次以助腫潰若腐肉已去新肉

生遲宜灸四畔其陰瘡癰癤流注腫瘡惡瘡久不愈者亦宜

用之大抵此法未潰則解熱毒止痛消瘀腫已潰則補陽氣散餘毒生肌肉若陽證腫痛甚或重如負石初起用此法出毒水即內消其日久者用之雖潰亦淺且無苦楚惜患者不知有此治者亦不肯用此也

神效葱熨法

一二一

治流注結核骨癰鶴膝肢體腫塊或痛

或不痛或風寒襲於經絡流注肢體筋攣骨痛或跌撲損傷止痛散血消腫之良法或先用隔蒜灸法而餘腫未消最宜用熨以助氣血而行壅滯其功甚大用葱頭細切杵爛炒熱敷患處冷即易之再或熱熨數次腫痛即止其效如神○或

用葱煎湯薰洗傷處亦妙○或用葱一大把束其數節切為薄餅置患處用熱物熨之或鋪艾灸之亦可必易餅多熨為妙

神仙薰照方

一二二

雄黃

硃砂

血竭

真者

沒藥

各一錢

麝香

二分

右五味研細末用綿紙捲為粗撚約長尺許每撚中入藥三分裹定以真麻油潤透點灼瘡上須離瘡半寸許自紅暈外圍周圍徐徐照之以漸將撚收入瘡口上所謂自外而內也

更須將撚猛向外提以引毒氣此是手法此藥氣從火頭上
出內透瘡中則毒隨氣散自不內侵臟腑初用三條漸加至
五七條瘡勢漸消可漸減之薰罷隨用後敷藥

廣陵李杜云背瘡所患惟內攻與外潰耳證屬火毒醞釀斯
成不能外散勢必內攻不能中出勢必傷潰醫者往往以涼
藥圍解多懼此二患又陰瘡不起發者止有隔蒜灸一法然
亦未見鑿鑿取效此方初用藥撚薰照以火引火毒氣外散
後用藥敷圍追膿止痛竅從孔竅及瘡頂中出可免傷潰矣
陰瘡一照即起紅暈狀如蒸餅變為陽證可保無虞此其奇

中大畧也照法日每一次初次用撚三根或四根次日用四
根或五根再次漸至六七根止大率看瘡輕重酌撚多寡重
者不過六七日腐肉盡化為膿從瘡口中陸續湧出新肉如
石榴子累累而生此時不必再照圍藥終始如一隨瘡勢大
小漸漸收入照圍後不可聽醫用膏藥貼蓋以致毒氣怫鬱
止割葱葉量瘡口貼之凡照時先須用猪蹄煎湯澄清洗去
圍藥如法薰照待瘡勢大愈肉生將蒲始可用生肌散或護
以太乙膏平復後膏藥猶不可離此其始末細微也內服者
大要不出十宣散護心散等方最忌寒涼恐傷胃氣此瘡由

惱怒鬱結厚味所致受病以年計愈久則愈甚也調攝之法
非懲忿窒慾清散托裏治以前方印盧扁復生有望而走耳
又前方初止治背疽其後一切腫毒無不收功蓋法無定則
醫貴變通神而明之存乎其人耳余不佞善病故留心方術
然未經累驗不輕授人此一方初驗於化南再驗於陳大叅
景山及范中翰舍初其他證亦曾用以推廣皆應手取效輒
贅其詳於此其傳則道人孫氏人大播廣陵余先慈賴以保
安者廿年云

池陽來陽伯云王孝廉良甫爲余言廣陵人有善神燈照者

療渠發背神良已求得其禁方矣余識之已酉歲余客廣陵
偶析腫比于股招所謂善療者照之不膿得愈又館友胡舍
素患發背大如覆孟神懵懵憤矣延瘍醫至束手待肉腐糜
方可用膏徐長肌肉問其術曰至此問其候曰百日果如其
說則合素將成烏有矣遂急同弟輩求得前方刻本按法治
之一日痛止二三日神清如脫桎梏釋重負肉腫如孟者日
縮而小並未嘗腐糜也不月餘膿盡爽然起矣奇矣哉不表
而汗不針而潰不灸而陷舉不補而實不下而毒盡凡醫人
之針刺不必用也至理歸於易簡大道本在目前所謂不可

不思議者也古今道術入妙者皆如此類茲重刻之故爲此
敘

曲梁聶雲翰云戊戌春暮余病疽京邸疽據背中前與心對
初發微若黍粒搔之痛痒關心寒熱交作甫十日大若升再
十日大若斗食逆便結匝月目不一瞬醫方所載諸死候業
已十犯八九兩絕復甦自分無生手條後事偶從楊楚璞得
李肖衡所傳異人指授仙方如法薰敷越二日毒漸解廼有
起色不易方而竟就痊距初發浹旬歸家出以試人輕僅
踰月重亦不出百日甦不起者蓋余所感毒極重勢極大又

治極遲卽二三內外科名家皆束手失色以爲從所未聞未
見及試人則取驗更捷蓋感有輕重治有遲蚤也顧念非此
異方不能起余必死異證非余起死回生不能白此方之神
異余以此方活安忍天下人以此證危因慮此方莫獲廣沛
於天下又慮天下忽視此方而不加篤信或亂於耻功不已
出之醫口疑似轉盼間致悞大事而悔無及也因贅數語以
爲此方之引

咸林王維英云丙午端陽日余左臂患疽其大如拳用騎竹
馬法灸之百十壯疤起如銅錢四圍腫覺退筭中蓄此仙方

命製藥料欲俟破後薰之不識其初亦可薰也客有備言可薰者因於當日即薰十條瘡頂高收四圍色白夜間毒肉從邊化為稠膿徐徐內潰粘同膠鰓每日如法薰照洗貼五六日中尖毒肉脫落一條共有十三孔瘡外一指許傍串三孔且痛且痒即極力照之初出黃水次出稠膿後流清漿瞬息口收並未再串其原載敷藥長安中若不產蒂簽五龍二草止用金銀花三色敷之乾則覺痛即去之不敷並未用生肌散惟護以太乙膏月餘盡痊當此瘡將愈左臂又患一疽正對無二即照燃十條敷以麩炒醋調文蛤膏一日敷更次日

五條三日頂破膿出不痛不痒其毒盡散同時有患別瘡者余付此藥薰之隨薰即散並未成形迺知是方也真仙方哉真仙方哉持此療瘡天下無瘡矣余恐世人但知瘡破後可照不識照初發者尤易散又恐因敷藥不全並棄前方不識敷藥不用亦可也故備述終始以神此方之用

洗藥神效散 一二三
洗陰濕諸瘡

蛇床子 二兩
朴硝 一兩

右每用一兩水二碗煎數沸洗瘡拭乾摻生肌藥

雄黃解毒散 一二四
治一切癰腫潰爛毒勢甚者先用此藥

二三次以後用猪蹄湯

雄黃 一兩
白礬 四兩
寒水石 兩煨一兩半

右俱為末用滾湯二三碗乘熱入藥末一兩洗患處以太乙膏或神異膏貼之

猪蹄湯 一二五 治一切癰疽杖瘡潰爛去惡肉潤瘡口止痛

白芷 黃芩 當歸 赤芍藥

獨活 生甘草 露蜂房 連子者佳 各五錢

用猪蹄一隻水四五碗煮熟去油相取清湯入前藥一兩許煎十數沸去粗溫洗惡肉隨洗而下隨用膏藥貼之○按此

湯不必用黃芩或以白礬易之更佳

集香散 一二六 洗癰疽潰爛

白芷 藿香 茅香 香附

防風 各三錢 木香 甘草 各一錢

右用水三碗煎數沸去粗淋洗患處

立齋曰此乃馨香之劑也血氣聞香則行得臭則逆也凡瘡

毒將盡未盡宜用之若有瘀肉宜先用雄黃解毒散解之後

用此方洗後須即用膏藥貼護勿使風入肌肉易生直至收

口為度最忌用生肌之藥

救藥方 一二七

車前草 菝葜草 金銀花 五爪龍草

右四味鮮草一處搗爛加多年陳米粉即常用極衣者初起時仍加飛鹽少許共調為稠糊敷瘡上中留一頂按膿出若冬時無鮮者用乾葉為末陳醋調敷亦可或五龍草一時難得即單用四味亦能奏功不必拘執也○陽作日瘡毒初起毒盛者須內服收毒藥數劑其有氣血薄弱者亦須用托裏藥數劑則萬全之計耳

秘傳圍藥鐵井欄 一二八 敷一切惡毒即收斂消腫神效

牛糞灰 晒乾燒灰用新磁罐盛之乾處加倍用

鐵線草 草烏 文蛤 白芨

白欬 貝母心 陳小粉 炒極黃色 各等分

右為末用高醋熬熱調藥如糊敷瘡四圍中留錢孔以出毒氣乾則易之瘡勢惡甚者用飛龍奪命丹等藥出汗無不效

人黃揭毒散 一二九 敷熱壅腫毒

大黃 一兩 半 白芨 一兩 朴硝 二兩

右為末非水調搽乾則潤之

草烏揭毒散 百三十 治一切癰疽腫毒

草烏 貝母 天花粉 南星

芙蓉葉 等分

右為末用醋調搽四圍中留頭出毒如乾用醋潤之

抑陰散 一三一 治瘡場元氣虛寒欬腫不消或不潰欬或筋

攣骨痛一切冷證

草烏 二兩 南星 煨 赤芍藥 炒 白芷 各一兩

肉桂 五錢

右為末葱湯調塗熱酒亦可

湯散 一三二 一名洪寶丹 治瘡屬純陽腫痛發熱

天花粉 三兩 薑黃 白芷 赤芍藥 各一兩

右為末茶湯調搽患處

陰陽散 一三三 治瘡屬半陰半陽

紫荆皮 炒 五兩 獨活 去節炒 一兩 赤芍藥 炒 白芷

石菖蒲 各二兩

右為末葱酒調搽

神功散 一三四 諸發背癰疽及諸瘡不問腫潰皆效

黃柏 炒 草烏 炒 各一兩

右為末用漱口水調入香油少許搽患處如乾仍用水潤之

清涼救苦散 一三五

治大頭瘟腫甚者以此藥敷之

芙蓉葉 霜桑葉 白欬 白芫

大黃 黃蓮 黃芩 黃栢

白芷 雄黃 芒硝 山茨茹

赤小豆 南星 金線重樓

右等分爲末蜜水調敷腫處以翎類掃之

黃膏 一三六 敷一切腫毒熱浮在外或時氣熱壅者

黃栢 大黃 各等分

右爲末用醋調傅如乾用水潤之

廻陽玉龍膏 一三七

治陰疽發背寒邪流注風濕冷痺諸脚

氣冷痛無紅赤者及跌撲所傷爲敷涼藥或人元氣虛寒腫

不消散或不潰歛及癰腫堅硬肉色不變久而不潰潰而不

歛或鼓雄風筋攣骨痛一切陰寒冷證第一藥也

草烏 肉桂 各五錢 薑黃 炒 南星 煨

白芷 赤芍藥 炒各一兩

右爲末葱湯或熱酒調塗

冲和膏 一三八

治一切瘡腫不甚焮熱積日不消

紫荊皮 炒五兩 獨活 去節炒 三兩 赤芍藥 炒二兩 白芷

外科

苜蓿
各

石為末葱頭煎湯調搽

麥飯石膏

一三九

治瘡疽初起先以麥飯石膏塗之俟瘡根

漸收即敷神異膏斂之但麥飯石膏難於脩合用神異膏亦

效

白麥飯石 炭火煨醋淬數次研極細二兩○據本草所

載凡石如飯團粒粒粘結成塊者即是皆可用也

鹿角 生取帶腦骨者斷之用炭火燒烟盡研極細四兩

右用米醋調和入砂器煎以竹片不住手攪成膏先用猪

蹄湯洗患處以鵝翎拂塗四圍乾則以醋潤之若腐爛者用

布帛攤貼之○李氏曰麥飯石膏治發背癰疽神妙惜世罕

知有患癰不潰而危者全用此膏一夕頭潰凡疽得膿其毒

始解或有不潰者須用此膏故錄之俾精擇修合以取十全

之功也嘗見世間醫者每有妙方秘而不傳或更改以惑人

誠可惡也余思西華麥飯石膏守死不傳其立心私刻君子

鄙之矣

黑末子

百四十

治癰毒

用羊角連內骨燒存性為末酒調三錢分上下服之瘡可散

○立齋曰此方未嘗用蓋秘方也嘗治面上或身卒得赤斑或痒或癩毒此而不治亦乃殺人以致羊角燒存性研為極細末以雞子清調塗之甚效本草亦云然

乳香定痛散 一四一 治瘡瘍潰爛疼痛不可忍諸藥不效者

乳香 沒藥 各二錢 寒水石 煨 滑石 各四錢

冰片 一分

為細末搽敷患處痛即止此方乳沒性溫佐以寒劑制之故寒熱之痛皆妙

烏金膏 一四二

治發背中央肉死塗之即腐未死塗之即生若初起腫痛用

點數處則解毒頓消若瘀肉腐黑塗之即潰若惡瘡頑瘡元

氣無虧久不收斂者內有毒根以紙撚蘸其內有等發背

因元氣虛弱或因尅伐元氣虧損毒氣散漫中點外亦不腐

不潰須服大補之劑中塗三四寸許至五六日開赤黯之界

自有裂紋如刀割之狀中央漸潰漸脫內用純陽之藥以接

其元氣庶能收斂若妄用刀鍼去肉出血則陽隨陰散元氣

愈傷或塗涼藥則毒氣不解氣血愈虛非徒無益適以害之

矣○其方用巴豆去殼炒黑研為膏點腫處或塗瘀肉上則

自消化或加乳香少許亦可如塗瘡內或加香油少許調稀
可用若餘毒不斂者以此紙之不致成痛

透骨丹 一四三 此潰膿藥外科不可缺

蟬酥 胡砂 輕粉 巴豆 各五錢

蝟牛 二箇 麝香 一分

右先將巴豆研如泥次入蝟牛麝香再研後入各藥研極細
以小磁瓶收藏每用少許以乳汁化開先用鐵輕輕撥破毒
頭挑藥米粒許納於瘡口外用清涼膏貼之

鐵頭散 一四四 治一切頑瘡內有膿管癩肉或癰癧結核不

化瘡口不合宜此藥追蝕腐之

赤石脂 五錢 輕粉 麝香 各五分 乳香

白丁香 各三錢 生砒 黃丹 各一錢 蜈蚣 一條 灸乾

右為末搽瘡肉上其肉自化若瘡口小或痔瘡用糯米糊和
作細條陰乾紙入外以膏藥貼之凡瘡口久不合者內有膿

管必須用此腐之內服托裏之藥

代鍼膏 一四五 治瘡瘍膿熟不潰

乳香 二分 白丁香 真者 巴豆 炒焦 各五分 碱 各五分

右為末熱水調點瘡頭上常以碱水潤之勿令其乾

替鍼丸 一四六

治膿成不潰者

白丁香

礪砂

另研

真沒藥

乳香

各一匙

糯米 四十粒先以礪灰拳大一塊置磁碗內量入井水

待熱氣將息以米排入灰中良久候米如水晶狀取出

用之如米未就再用灰製

右各另為末然後和勻收貯用時以飯丸麥粒大每用一粒

水濕粘瘡頭上其膿自出○凡瘡瘍血氣壯實膿成不潰者

宜用此藥以洩其毒則肌肉易生瘡口易斂若氣血虧損者

須用甘溫之劑以培根本否則不惟不潰且難收斂若附骨

疽及緊要之地當及時針砭出之為善

三合散 一四七

治癰疽不肯作膿

新巴豆肉

明礪

斑貓 等分

右為細末紙瘡內惡肉自化

立齋曰此方藥性大毒果有惡毒之證宜用腐之取其以毒

攻毒也若以陽氣虛不能腐化成膿者宜用大補之劑及桑

木灸之丹溪云氣血壯實膿自湧出大抵瘡之潰斂遲速總

由血氣之盛衰使然也

藜蘆膏 一四八

治一切瘡疽肉突出不問大小長短用藜蘆一味為末以生豬脂和研如膏塗患處周日易之

生肌散 一四九 治瘡口不合

木香 輕粉 各二錢 黃丹 枯礬 各五錢

右為細末用豬膽汁拌勻曬乾再研細搽患處

立齋曰此方乃解毒去腐搜膿之劑非竟自生肌藥也蓋毒盡則肉自生常見患者往往用龍骨血竭之類以求生肌殊不知餘毒未盡肌肉何以得生反增腐爛耳若此方誠有見也

收口糝藥 百五十

李氏云龍遊有患背疽者大潰五臟僅隔膜耳自謂必死用鯽魚去腸實以羯羊糞烘燥為末乾糝之瘡口自收此出洪氏方屢用有效故附於此須候膿少欲生肌肉時用之

桔梗湯 一五一 治欬嗽吐膿痰中有血胸膈兩脇作痛煩悶

作渴或出臭濁已成肺癰證

桔梗 炒 貝母 當歸 酒浸 瓜蒌仁

枳殼 麩炒 薏仁 桑白皮 炒 百合 蒸各一錢五分

五味子 炒 知母 炒 地骨皮 甜葶藶 炒

甘草節 防已 黃芪 杏仁各五分

水二鐘煎服

濟生桔梗湯 一五二

治肺癰欬嗽膿血咽乾多渴大小便赤澁

方如前但少五味葶藶知母地骨皮四味

用水二鐘薑五片煎八分食遠服大便秘者加大黃

人參五味子湯 一五三

治氣血勞傷欬膿咯血寒熱往來夜

出盜汗羸瘦困乏一切虛損肺痿之證並治

人參 五味子炒 熟地黃 當歸酒炒

白木炒 白茯苓 炙甘草 陳皮

桔梗炒 前胡各一錢 黃芪炙 地骨皮

桑白皮炒 枳殼炒 柴胡各七分

水一鍾半生薑三片煎八分食後服

四順散 一五四 治肺癰吐膿五心煩熱壅則欬嗽

貝母去心 紫苑去苗 桔梗炒各一錢半 甘草七分

水一鍾半煎七分食遠服如欬嗽加杏仁亦可為米白湯調

服

合歡飲 一五五 治肺癰久不斂口

用合歡皮 白斂 二味同煎服 合歡皮即椴樹皮也

亦各夜合

紫苑茸湯 一五六

治飲食過度或煎燻傷肺欬嗽咽乾吐痰

紫苑茸 去苗 桑葉 經霜者 欬冬花 百合 蒸焙

杏仁 去皮 河膠 蛤粉炒 貝母 去心 半夏 製

蒲黃 炒各一錢 人參 犀角 鎊末 甘草 炙各五分

水一鍾半生薑三片煎七分入犀角末食後服

升麻湯 一五七 治肺癰胸乳間皆痛吐膿腥臭

川升麻 桔梗 炒 薏苡仁 地榆

黃芩 炒 赤芍藥 炒 牡丹皮 生甘草 各一錢

水二鍾煎八分食遠服

如金解毒散 一五八 治肺癰

桔梗 一錢 甘草 一錢 黃蓮 炒 黃芩 炒

黃柏 炒 山梔 炒各七分

水二鍾煎八分徐徐陸續飲之不可急服○按此方乃降火

解毒之劑也凡發熱煩渴脉洪大者用之即效若脉數欬痰

腥臭或唾膿痰者宜用桔梗湯

如聖栝黃丸 一五九 治肺癰欬而腥臭或唾膿痰不問膿之

成否並效肺家之病雖有方惟此方功效甚捷不可忽之

柘黃一兩 為末 百齒霜即梳垢 二錢

用糊為丸如桐子大每服三五丸米飲下○柘黃乃柘樹

所生者其色黃狀如靈芝江南最多北方鮮有

厚蘆散百六十 治過食煎燻或飲酒過度致肺壅喘不能臥

父肺癰濁唾腥臭

甜葶蘆 桔梗炒 瓜蒌仁 川升麻

薏苡仁 桑白皮炒 葛根各一錢 甘草炙五分

六一鍾半生薑三片煎八分食後服

知母茯苓湯一六一 治肺痿喘嗽不已往來寒熱自汗

知母炒 茯苓 炙甘草 人參

白朮 五味子炒 麥門冬 半夏製

薄荷 桔梗 柴胡 款冬花各一錢

阿膠蛤粉炒 黃芩炒各二錢 川芎五分

水二鍾薑三片煎一鍾食遠服

四味排膿散六二 治肺癰吐膿五心煩熱壅悶欬嗽

嫩黃芪鹽水炒 白芷 五味子研炒 人參等分

右為細末每服三錢食後蜜湯調下

八味排膿散 一六三

治腸癰少腹脹痛裏急後重脉滑數或

時時下膿

黃芪 炒

當歸 酒拌

金銀花

川山甲 蛤粉炒

白芷

防風

連翹

瓜蒌 各三錢

水二鍾煎八分食前服或為末每服三錢食後蜜湯調下如

膿將盡去川山甲連翹倍當歸加川芎

薏苡仁湯 一六四

一名瓜子仁湯○治腸癰腹中疔痛或脹

滿不食小便短澀婦人產後多有此證縱非癰服之尤效

薏苡仁 此五錢

瓜子仁 三錢

牡丹皮

桃仁 去皮尖各二錢

右水煎空心服

牡丹皮散 一六五

治腸癰腹濡而痛時時下膿

牡丹皮

人參

黃芪 炒

白茯苓

天麻

白芷

桃仁 去皮尖

薏苡仁

當歸

川芎 各一錢

官桂

甘草 各五分

木香 三分

右水煎服

梅仁湯 一六六

治腸癰壅痛大便秘澀

梅仁

九個去皮尖

大黃 炒

牡丹皮

芒硝

犀角 鎊各一錢 冬瓜仁 三錢研

右水煎入犀角末服

大黃湯 一六七

一名牡丹皮湯○專治腸癰小腹堅腫而熱

按之則痛肉色如故或焮赤微腫小便頻數汗出憎寒其脉

沉緊膿未成者急服之

牡丹皮 各三錢 瓜蒌仁 去皮 大黃 煨

芒硝 各二錢

水二鍾煎一鍾食前服○本方去瓜蒌即名大黃牡丹湯○

立齋曰此方乃行血破血之劑也如發熱自汗惡寒小腹作

痛小便如淋脉未數者有效丹溪曰小腹腫痞按之痛小便

如淋或自調發熱身無汗復惡寒其脉遲緊者膿未成宜下

之當有血此結熱所成也故金匱用大黃利之即此方也若

無前證恐不宜用其有脉滑數腹內脹痛或時時後重而膿

已下宜用八味排膿散蠟礬丸及托裏之藥

射干湯 一六八

治胃脘癰吐膿血

射干 去毛 山梔仁 赤茯苓 升麻 各一錢

白朮 五分 赤芍藥 一錢半

右水煎服

全書卷之十四 古方
槐花散 一六九 治腸風臟毒下血

槐花 炒
熟地黃
青皮
白朮 炒

荆芥穗
當歸身 酒
升麻 各一錢
川芎 四分

右為末每服三錢空心米飲調下水煎服亦可

除濕和血湯 百七十 方在和陣二一九

治陽明虛陷濕熱便血腹痛

夏枯草湯 一七一 治瘰癧馬刀已潰未潰或日久漏者

夏枯草 六兩

水一鐘煎七分去粗食遠服○此生血治瘰癧之聖藥虛甚

者當煎濃膏服並塗患處多服益善兼十全大補湯加香附

貝母遠志尤善

必效散 一七二 治瘰癧氣血尚無虧損瘰核不愈內服此藥

外以鍼頭散腐之若氣血虛者先服益氣養營湯數劑後服

此藥服後瘰毒盡下再服前湯數劑

南礪砂 二錢 輕粉 一錢 麝香 五分 巴豆 五個 去膜

白檀榔 一個 班猫 四十個去頭 翅同糯米炒

右同為極細末取鷄子二個去黃用清調藥仍入殼內以濕

紙數重糊口入飯甑蒸熟取出曝乾研末虛者每服半錢實

者一錢用炒生薑酒或滾湯於五更調服如覺小腹痛用益
元散一服其毒俱從小便出胎婦勿餌瘡毒去後多服益氣
養營湯瘡口自合○此藥班貓巴豆似為峻利然巴豆能解
班貓之毒用者勿畏予於京師遇一富商頃有癰痕一片頗
大詢其由彼云因怒而致困苦二年百法不應忽有方士與
藥一服即退二三再服頓退四服而平旬日而痊以重禮求
之乃是必效散因修合濟人無有不效丹溪亦云必效散與
神效瓜蒌散相兼服之自有神效常以二劑兼補劑用之甚
效故錄之但此藥雖云峻利然癰毒之深者非此不能解故

宜用之惟血氣虛者不可用恐其有誤也○又一道人言此
證用鷄子七個每個入班貓一枚飯上蒸熟每日空心食一
箇求者甚多考之各書癰瘰門及本草亦有之然氣血虛者
恐不能治也

射干連翹散 一七三

治寒熱癰瘰

射干

連翹

玄參

赤芍藥

木香

升麻

前胡

梔子仁

當歸

甘草

各一錢

大黃

二錢

水煎食後服

如神散 一七四

治瘰癧已潰瘀肉不去瘡口不合

松香末 一兩
白礬 三錢

為末麻油調搽乾滲亦可

遇仙無比丸 一七五

治瘰癧未成膿其人氣體如常宜服此

丸形氣覺虛者宜先服益氣養營湯待血氣少充方服此丸
核消後仍服前湯如潰後有瘀肉者宜用針頭散更不飲亦
宜服此丸歛後再服前湯

白朮 炒

檳榔

防風

黑丑

半生半炒
取頭末

蜜陀僧

郁李仁

炮去
皮

班蝟

去足翅用糯米
同炒去米不用

甘草 各五錢

為細末水糊丸梧子大每服二十九早晚煎甘草檳榔湯下
服至月許覺腹中微痛自小便中取下瘰毒如魚目狀已破
者日合水膿者自治

財後治瘰方 一七六

凡頂下卒結囊欲成瘰者用海藻一斤洗去鹹浸酒飲之不
可間斷須要時時飲二三盃有酒氣方妙

神效開結散 一七七

消瘰塊甚效

橘紅 四兩

沉香

木香

各二錢

珍珠

四十九粒入
砂礮內以鹽

泥封固煨赤取
山云火毒用

猪厭肉子 四十九枚用豚猪
生頂間如棗子者

右為末每服一錢臨臥酒調徐徐嚥下患小者三五服大者

一劑可愈切忌酸鹹油膩滯氣之物須用除日於靜室修合

生地黄丸 一七八 治師尼寡婦室女乍寒乍熱而思瘡湯及

頸間結核肝脉弦長而出魚際外無寒邪內多鬱火者宜此

治之

生地 一兩酒
拌杵膏 秦艽

黃芩 硬柴胡 各半

赤芍藥

右為末入地黄膏加煉蜜為丸桐子大每服三五十九烏梅

湯日進二服

外 昆布丸 一七九

治項下結囊欲成瘰者

昆布 酒洗
海藻 酒洗各
等分

右為末煉蜜丸彈子大含化嚥之

濟 玉壺散 百八十 治三種毒瘰

海藻 海帶 昆布 雷丸 各一兩

廣茂 青鹽 各半兩

右為細末老米飲為丸桐子大不拘時嚥化四五丸

神效瓜萸散 一八一 治乳癰及一切癰疽初起腫痛即消膿

成即潰膿出即愈治癰之方甚多獨此方神效癰癤瘡毒元效凡一切癰疽餘毒皆宜用之

瓜蒌 一個 爛研 當歸 酒洗 生粉草 各半 兩 乳香

沒藥 各一錢

右用酒煎服良久再服如不能飲以酒水各半煎之如數劑不效宜以補氣血之藥兼服之○若肝經血虛結核不消佐以四物柴胡升麻白朮茯苓○若肝脾氣血虛弱佐以四君芎歸柴胡升麻○若憂鬱傷脾氣血虧損佐以歸脾湯

海藻散堅丸 一八二 治肝經癭瘤

海藻 昆布

龍膽草 酒拌炒焦 各二兩 小麥 醋煮炒 乾四兩

右為末煉蜜丸桐子大每服二三十九臨臥白湯送下或擒化燕之尤好凡患癭癧服調治之藥末應宜佐以此上二方

○一方有柴胡二兩

連翹飲子 一八三 治乳內結核服數劑如不消宜兼服八珍

湯初起有表證者宜先解散

連翹 川芎 瓜蒌仁 研 皂刺 炒

橘葉 青皮 甘草節 桃仁 各一錢半

右水煎食遠服

清肝解鬱湯 一八四

治肝經血虛風熱或鬱火傷血乳內結

核或為腫潰不愈凡肝膽經血氣不和之病皆宜用此藥

人參

熟地黃

芍藥炒

茯苓

山梔炒

貝母各一錢

柴胡

牡丹皮

川芎

陳皮各五分

當歸

白朮各一錢半

甘草五分

右水煎服

羌活白芷散 一八五

治風熱血燥手掌皴裂或頭面生瘡或

遍身腫塊或膿水淋漓

羌活

白芷

荆芥

軟柴胡

蔓荊子

防風

甘草

牙皂

黃芩酒炒

黃連酒炒各一錢

右水煎服

胡麻散 一八六

治風熱癩疹搔痒

胡麻子一面二錢

苦參

荆芥穗

何首烏各八錢

威靈仙

防風

石菖蒲

牛蒡子炒

甘菊花

蔓荊子

白蒺藜炒

炙甘草各六錢

右為末每服一錢食後薄荷湯調服茶清亦可

四生散 一八七

治腫腿瘡淫不愈或眼目昏花各腎臟風並

治風癱疥癩血風瘡證

黃

獨活

白附子

真者

白茯苓

等分

右為末每服二錢用猪腰子一枚批開入藥濕紙包裹煨熟

空心連腰子細嚼鹽湯送下

續蘇散 一八八

治風濕流注脚脛酸痛或嘔吐不食

續榔

木瓜

陳皮

炙甘草

各一錢

香附

紫蘇

各五分

水一鐘半生薑三片葱白三莖煎一鍾空心服

升麻和氣飲 一八九

治風癱瘡疥熱結大便不通

當歸

陳皮

各一錢半

枳殼

麸炒

芍藥

酒炒

半夏

桔梗

炒

白芷

蒼朮

米泔浸炒

乾葛

白茯苓

甘草

炙各一錢

乾薑

炒

大黃

各五分

升麻

三分

右水煎服

當歸飲 百九十

治風濕血熱癩疹痒痛膿水淋漓瘡疥發熱

等證

當歸

川芎

生地黃

白芍藥

白蒺藜炒

黃芪

何首烏

不見鐵
各錢半

防風

荆芥

甘草

各一錢

右水煎服

羌活當歸散

一九一

治風毒血熱頭面生瘡或赤腫或成塊

或癢疹搔痒膿水淋漓

羌活

當歸

川芎

升麻

防風

白芷

荆芥

貝子

蒸

黃連

酒炒

黃芩

酒炒

連翹

甘草

右用酒拌晒乾酒煎服

一掃散

一九二

治癬疥

防風

荆芥

苦參

地骨皮

薄荷

等分

甘草

減半

右為末蜜水調服三錢不過三五服可淨○或煉蜜丸桐子

大每服五七十九丸食遠茶清送下

烏金散

一九三

敷腎囊破爛一疔等證

麩炭

紫蘇葉

右等分為末香油調搽用紫蘇葉包裹之

蛇床子散

一九四

治一切風癬疥癩搔痒膿水淋漓

蛇床子 獨活 苦參 防風

荆芥 各三錢 枯礬 銅綠 各一兩二味另為末

右為末麻油調搽

金黃散 一九五 敷天泡濕熱等瘡

滑石 粉甘草 此當半用為是

右等分為末搽敷○此方或加綠豆末以治濕熱肥瘡更妙

○嘗以此方加枯礬少半用治肥瘡大效

白粉散 一九六 治諸疔瘡

海螵蛸 三分 白芨 一分 輕粉 一分

右為末先用漿水洗拭乾傳

滑石散 一九七 治小兒天泡瘡

好滑石 黃柏

右共為末傳之○仍內服荆防敗毒散或金銀花散熱甚者

宜服大連翹飲○一方名碧玉散以青礬調前二味如泥用

皂刺挑破泡水次付藥神效

秘方仙遺糧湯 一九八 治一切楊梅瘡不拘始終虛實皆可

取效

土茯苓 卽名仙遺根用鮮者二兩洗淨以木石相槌碎

用水三碗煎二碗去粗入後藥煎服

當歸 生地 防風 木通

薏仁 各八分 金銀花 黃連 連翹 各一錢

白木 白蘚皮 各七分 皂刺 六分 甘草 四分

加燈心二十根用遺糧湯二碗煎一碗食遠服

土草薺湯 一九九 治楊梅瘡及瘰癧咽喉惡瘡癰漏潰爛筋

骨拘攣疼痛皆妙

用土草薺即土茯苓二三兩以水三鍾煎二鍾不拘時徐

徐服之○若患久或服攻擊之劑致傷脾胃氣血等證以

此一味為主外加對證之藥無不神效

五加皮飲 二百 治楊梅綿花瘡百發百中亦可煮酒以治結

毒

當歸 木瓜 生地黃 熟地黃

羌活 薏仁 各一錢 防風 荆芥

赤芍 苦參 大楓藤 各七分 五加皮 二錢

甘草 殭蚕 各五分

右每服入土茯苓四兩猪肉四兩用水二大碗煎一碗食前

溫服渣再煎連肉食之忌生冷魚腥沙氣牛肉茶酒醋所用

土茯苓忌鐵器○若治瘋毒口眼此藥外以此藥煎膏或丹
收或粉收貼之

換肌消毒散 二百一

一名草薺湯○治時瘡不拘初起潰爛

土茯苓 五錢或一二兩

當歸

白芷

皂刺

薏仁 各一錢半

水瓜 不犯鐵器

白蘚皮

木通

金銀花 各一錢 甘草 五分

右水煎服○甚者土茯苓用至四五兩更妙

蠶痺消毒散 二百二

治時瘡肢節筋攣

姜黃

土茯苓

獨活 各五錢

白朮

當歸 各一錢半

芍藥 二錢

白芷 五分

右水煎服

七貼方 二百三

治楊梅綿花瘡

防風

忍冬

皂刺

蟬退 去頭足

連翹

白蘚皮

五加皮

荆芥

穿山甲 炒各一錢

生地

木瓜 去心忌鐵

僵蚕 炒各一錢半

皂子 七個

薏仁 三錢

土茯苓 四兩

右用水四碗煎二碗食遠分二次服之○忌牛羊茶酒醋房

事

扶苓膏 二百四

治楊梅瘡並治瘋毒

當歸

白茯苓

羌活

生地

熟地

甘草 去皮

連翹

木通 各三錢

土茯苓 半斤

右為粗末用水五六碗熬將半用絹濾去滓再熬成膏涼冷每服一大酒鍾日三服輕者五六料重者十料全愈熬藥須用砂鍋○忌房事雞魚牛肉椒醋等發物

五寶丹 二百五

治九種楊梅結毒並及兒女者

琥珀 透明血色者用甘草水煮過三分半

珍珠 炒過三分半 一方用豆腐包蒸

硃砂 透明者三分半

鐘乳石 用木香甘草各一錢同煮乾用三分半

飛羅麵 炒過三分半

冰片 半分臨時加

右俱為極細末磁罐收貯聽用○服法每日用土茯苓或魏

者一斤洗淨用石敲碎先入水二升煮取汁四碗收磁器內

將前粗再入水四五碗煮汁二碗並入前汁內為一日之用

○若病在上者加木香二錢病在下者加牛膝一兩與土茯

苓同煎病者不得另飲茶湯但將土茯苓湯時時飲之若飲湯半鐘加五寶丹二釐飲一鐘加四釐體厚者加六七釐一日內服盡此湯為度在上飽服在下饑服忌茶酒並一切發風動氣之物其毒貼清涼膏或加摻藥收口若舊有輕粉等毒服藥後當盡發出無則不發也大忌房事輕者十服重者二七服全愈

醫統

楊梅癰漏方

二百六

不問年深者並效

土茯苓

五兩

金銀花

一兩

皂刺

花椒

半兩

鬱金

當歸

各五分

黑鉛

三兩

鎔化入水銀五錢乘熱搗為粉分五分聽臨後

另入煎藥用

右咀分作五貼用水二鍾入葱一根煎至一鍾去粗再入鉛粉一分煎至八分食遠服

右鉛粉煎後仍可取起蓋楊梅癰漏多因服輕粉積毒而成此以水銀花椒黑鉛仍收引輕粉之毒從類而出也○此藥每以五貼為一料初服一貼要取微汗取汗法先以金銀花一兩或忍冬藤葉尤妙防風荆芥花椒各半兩煎湯二斗於不透風處先薰後洗自然汗出即患二三十年者只用此四

料四汗之無不全愈忌牛肉燒酒真妙方也世人珍秘不傳
徐春甫得之用以治人一一獲效故詳載之以濟人也

會膿散 二百七

治惡毒便毒初起之妙方也

白芷

僵蚕 炒

川山甲

煨各二錢 大黃 四錢

乳香

沒藥 各一錢

右為末以當歸四錢用酒水各一鍾煎一鍾去粗量人強弱

或全用或一半調服之○此藥若嫌太多則咬咀為飲大黃

生加煎服之尤妙

牛糞散 二百八

治便毒亦名血疔

當歸

酒拌

甘草節

滑石

煨各一錢半

牡蠣

二錢

大黃 三錢

木鱉子

五個杵非有大熱者此藥不可用當去之亦不必用

水二鍾煎一鍾露一宿五更頓服冬月火溫服無論已未潰

膿血俱從大便出○此方乃鹹寒導滯之劑若久曠房室大

小便秘發熱欬痛或交感時強固精氣以致交錯壅滯而結

為腫痛便秘者最宜用之若勞倦虛弱之人不甚欬痛大小

便無熱秘者不宜輕用

牛黃雙解散 二百九

治便癰內蘊熱毒外挾風邪或交感強

忍精氣以致淫精交錯壅結腫痛或大小便秘先用此藥通

解更用調補之劑

肉桂 大黃炒 芍藥 牽牛杵炒

澤瀉 桃仁去皮尖炒 炙甘草 乾薑各一錢

右分二劑水煎空心食前服

內托羌活湯 二百十 治腎癰腫痛兩尺脉緊按之無力者

羌活 黃柏各二錢 黃芪鹽水炒 防風

當歸尾 藁本 肉桂 連翹各一錢

炙甘草 蒼朮 陳皮各半錢

石水酒煎服

加味瀉肝湯 二二一 治肝經濕熱不利陰囊腫痛或潰爛皮

脫舉九懸掛或便毒及下疳腫痛或潰爛皆治之

龍膽草酒炒 當歸梢 車前子炒 生地黃

芍藥炒 澤瀉 黃蓮炒 黃柏酒炒

知母酒炒 防風各一錢 甘草梢五分

水二鍾煎八分食前服外敷烏金散

加味托裏散 二二二 治懸癰不消不潰

人參 黃芪鹽水炒 當歸 川芎

麥門冬 芍藥炒 黃柏酒炒 知母酒炒

金銀花 製甘草 柴胡 各一錢

水二鍾煎八分食前服

加味十全大補湯 二一三

治惡癰潰而不斂或發熱飲食少

思

人參 黃芪鹽水炒 白朮炒 熟地黃

當歸 川芎 芍藥炒 茯苓各一錢

甘草炙 肉桂 五味子搗炒 麥門冬各五分

水二鍾煎一鍾食前服○莖腫加青皮○小便赤加酒炒黃

栝知母○小便澁加車前子山梔子俱炒用

立味當歸散 二一四

治婦人陰中突出一物長五六寸名陰

挺

當歸 黃芩各二兩 牡蠣煨一兩半 蛻皮炙一兩

赤芍藥 五錢

右為末每服二錢食前溫酒調下滾湯亦可如不應須以補

中益氣湯倍加柴胡升麻兼服之○又方用當歸川山甲炒

蒲黃炒各半兩辰砂一錢麝香少許俱為末每服三錢酒調

下尤效

婦人陰瘡 二一五 治婦人陰戶生瘡作痒

杏仁炒

雄黃

白礬各五錢

麝香二分

右為末敷入患處

塌腫湯二一六

治婦人陰戶生瘡或痒痛或膿水淋漓

甘草

乾漆

各三錢

生地黄

當歸

黃芩

川芎

各二錢

鱉甲

五錢灸

右用水數碗煎數沸去粗當洗患處

白芷升麻湯二一七

治婦人陰內膿水淋漓或痒或痛

白芷

升麻

黃蓮

木通

當歸

川芎

白朮

茯苓

右水煎服○更用塌腫湯浴洗之

痔漏腸紅方二一八

其效無比

黃連

去蘆毛淨

一兩好酒浸一宿撈起陰乾為末

百草霜

用草茅燒者松柴者不用一兩研細

烏梅肉

一兩蒸軟即用前浸黃連酒蒸爛

右以三味同搗一處為丸桐子大如太乾仍如前酒搗丸之

每空心用酒送下四五丸三日見效十日全愈

地榆散二一九

治血痔

右用地榆為細末每服二錢七食前米飲調下日三服

臭樗皮散 二百二十

治痔漏下血及膿不止

臭樗皮

微炒

酸石榴皮

黃連

去鬚

地榆

阿膠

炒珠各一兩

艾葉

二錢微炒

右為細末每服二錢食前粥飲調下

秦艽防風湯 二二一

治痔漏結燥大便作痛

秦艽

防風

當歸

酒拌

白朮

黃柏

陳皮

柴胡

大黃

煨

澤瀉

各一錢

桃仁

去皮尖

紅花

升麻

甘草

各五分

右水煎空心服

猪臟丸 二二二

治大便痔漏下血

猪大臟

一條控乾

以槐花炒為末填入臟內兩頭札定在器內

米醋煮爛

右搗和再加糕糊為丸桐子大每服五七十九食前米飲或

當歸酒一〇此方用黃連猪臟二味亦名猪臟丸尤效〇一

方先用海螵蛸炙黃去殼為末以木賊草煎湯調下三日即

效或後服黃連猪臟丸

痔瘡方 二二三

雄黃 五分
五靈脂 燒斷
五倍子 炒過各一錢
沒藥 三錢半 明者

白礬 半生半
熟三錢

右為極細末用紙托貼瘡口上

三品錠子 二二四

上品 去十八種痔

白明礬 二兩
白砒 一兩零五分
乳香
沒藥 各三錢半

牛黃 三錢

中品 去五漏及翻花留氣核

白明礬 二兩
白砒 一兩三錢
乳香
沒藥 各三錢半

牛黃 一錢

下品 治瘰癧氣核疔瘡發背腦疽諸惡證

白明礬 二兩
白砒 一兩半
乳香
沒藥 各二錢半

牛黃 二分

右將砒末入紫泥罐內次用礬末蓋之以炭火煨令烟盡取出並各藥俱研極細末用糯米糊和為挺子狀如線香陰乾經瘡內三四次年深者五六次其根自腐如瘡露在外更用蜜水調搽乾上亦可○嘗有一老媪用此治療癰索重價始肯為治其方法乃是中品錠子經瘡內以膏藥貼之其根自

腐未盡再用去盡更搽生肌藥數日即愈人多異之凡見其
治氣血不虛者果驗惟氣血虛者雖潰去亦不能愈蓋此與
必效散相為表裏皆攻毒去邪之藥也

羊膽膏 二二五

治痔漏下疳瘡

臘月取羊膽一枚入片腦末一分置風處掛乾用時以涼水
化開頻敷患處內服槐子酒或加味瀉肝湯若得熊膽更佳
如眼痛者點之尤效

水銀棗子膏 二二六

治重痔痒不止

水銀 一兩

棗肉 二兩

石和研水銀不見星捻如棗核狀薄綿裹內肛門中明日重
出若痛加韶粉三分丸內之

熊膽膏 二二七

治痔痛極效

熊膽 五分

冰片 一分

右研細用井花水調鷄翎掃痔上

蝸牛膏 二二八

傳痔痛極效

蝸牛 一枚

負殼有角者

冰片

射香

各少許

右同研爛以磁器盛次早取汁敷痔上

芫花線 二二九

繫痔漏瘤核

用芫花一握洗淨入木杓搗爛加少水絞汁於石器中慢火煎成膏將絲線於膏內度過晾乾以線繫痔當微痛候痔乾落以紙捻蘸膏納竅內去根當永除根也○一方只搗汁浸線一夜用不得使水

枯痔水澄膏

二百三十

治痔護肉

鬱金

白芨

各一兩

一方加黃連

右二味為細末如患內痔候登廁時翻出在外用溫湯洗淨側臥於床其痔即出用蜜水調藥得中以篋篋塗穀道四邊好肉上留痔在外以紙蓋藥上良久然後用後枯藥擦痔上仍用筆蘸溫水於紙上潤之勿令藥乾及四散

好白礬

四兩

生信石

二錢半

硃砂

一錢研極細

右各研為細末先將礬入紫泥罐底次將礬末蓋之用火煨令烟盡其礬盡從烟去止借礬氣於礬內耳將礬為極細末看痔頭大小置礬末於掌中乃入硃砂少許以唾調稀用篋篋塗痔上周遍一日三上看痔頭顏色焦黑為效至夜有黃水出切勿他疑水盡為妙至中夜上藥一遍來夜依然上藥三次有小痛不妨換藥時以碗盛溫湯用筆輕洗去舊藥更上新藥仍用護肉藥間用荆芥湯洗之三兩日之後黃水出

將盡可於藥中增硃砂減白礬則藥力即緩三兩日即可增減漸漸取之庶不驚人今在着色增減傳藥厚薄方是活法此藥只是借礞信之氣又有硃砂能以解之一方士將此二方在京治人多效致富一富商以百金求得之錄於予予雖未用傳人無不言效但枯藥則趙宜真煉師已刊於青囊雜纂如神千金方則未見刊傳大抵今人言能取痔者皆此方也其有氣血虛或挾內邪者還當兼治其內庶不有失

如神千金方 二三一 治痔無有不效

好信石 黃明者三錢 打如豆粒 明白礬 一兩 飛砂 為末 好黃丹 五錢

蠲稍 七個洗淨无 上焙乾為末 草烏 光實者去皮 生研五錢

右用紫泥礬先將炭火煨紅放冷拭淨先下明礬燒令沸次下信入礬內拌勻文武火煨候沸再攪勻次看礬通紅烟起為度將礬撥下待冷取研為末方入黃丹草烏蠲稍三味再同研極細以磁礬收貯如欲敷藥先煎甘草湯或葱椒湯洗淨患處然後用生麻油調前藥以鷲毛掃藥痔上每日敷藥三次必去黃水如膠汁則痔頭漸消其年遠者不出十日可取盡日近者俱化為黃水連根去淨更搽生肌之藥凡五痔皆可去之此乃臨安曹五方為高宗取痔得效後封曹官至

察使

秘傳正骨丹 二二三二

治跌打損傷骨折血瘀而傷之重者用

此可續筋骨

降真香

乳香

沒藥

蘇木

松節

自然銅

醋煨七次

川烏

炮

真血竭

各一兩

地龍

去土酒浸烘乾

生龍骨

各一錢

土狗

十個浸酒內苑烘乾

右十二味共重八兩八錢同為末每服五錢隨病上下酒調

服覺藥自頂門而至遍身搜至病所則颯颯有聲而筋骨漸

愈病人白知之○服藥後仍服人參白朮黃芪當歸川芎肉

桂甘草白芷厚朴以調補元氣

本事接骨方 二二三三

治打折損傷

接骨木

半兩

乳香

半兩

當歸

赤芍藥

川芎

自然銅

炒醋煨各一兩

右為末用黃蠟四兩溶化入前藥攪勻衆手丸龍眼大如打

傷筋骨及閃痛不堪忍者用一丸熱酒浸開乘熱飲之痛即

止

沒藥降聖丹 二三四

治跌打損傷接續筋骨

當歸 酒炒

白芍藥

川芎

生地黃

蘇木

川烏頭炮去

骨碎補炙

乳香另研

沒藥另研

自然銅火煨醋淬十次
為末各一兩

右為末生薑汁共蜜和丸每一兩作四九每服一丸用米酒

各半蓋煎至八分空心熱服○立齋日脾主肉肝主筋若肝

脾氣血虧損或血虛有熱而不愈者當求其本而治之

十味沒藥丸二三五

治打撲損傷筋骨疼痛或氣逆血暈或

瘀血內停肚腹作痛或胸脹悶

沒藥

乳香

川芎

川椒

當歸

芍藥

紅花

桃仁

血竭各一兩

自然銅四錢火煨
七次醋淬

右為末同黃蠟四兩溶化入前末述攪勻象手丸彈子大每

服一丸酒化下○立齋日按接骨散沒藥丸惟元氣無虧者

宜用若腎氣素怯或尚年虛弱者必用他黃丸或補中益氣

湯以固根本為善

花蓋石散二三六

治打撲損傷腹中瘀血脹痛欲死服之血

化為水其功不能盡述

硫黃明者四兩

花蓋石一兩

右為末和勻先用紙筋和鹽泥固劑在罐一箇候乾入藥再

用泥封口安在磚上虛書八卦方位用炭三十斤煨之候罐
冷取出每服一錢童便調下○立齋日前方若被傷已甚元
氣虧損內有瘀血不勝疎導者用前藥一服其血內化又不
動臟腑甚妙甚妙

黑丸子 二三七

一名和血定痛散○治跌打損傷筋骨疼痛

或瘀血壅腫或外感風寒肢體作痛或手足緩弱行步不前

若流注膠風初結服之自消若潰後氣虛發熱與補藥兼服

自欽

百草霜

白芍藥

各一兩 川烏 炮

南星

各三錢

赤小豆

兩半

白欽

一兩六錢

白芨

骨碎補

當歸

各八錢

牛膝

六錢

右各另為末酒糊丸桐子大每服三四十九鹽湯溫酒任下

孕婦忌服

封口藥

二三八

凡損傷皮肉破裂者以此封之

牡蠣

煨

赤石脂

生研

紅丹

上好者等分

右為細末香油調塗瘡口○若欲消腫散血合口加血竭乾

摻之

當歸導滯散

二三九

治跌撲瘀血在內胸腹脹滿或大便不

通或喘咳吐血

大黃

當歸 等分

右為末每服三錢溫酒下陽氣虛者須加肉桂

復元活血湯 二百四十

治跌打損傷瘀血流於脇下作痛或

小腹作痛或痞悶及便毒初起腫痛

柴胡 一錢

天花粉

川山甲

炒各一錢 當歸 酒拌

大黃 酒炒各一錢

紅花

甘草 各七分

桃仁 二十去皮尖研

右水一鐘半加酒半鐘煎八分食前服之以利為度

金瘡方

二四一

凡金瘡出血不止用牛膽石灰摻之即止其方以臘月牛膽

人風化石灰懸當風候乾用一方單用三七搗爛敷之抽效

又方金瘡出血不止以五倍子生為末乾貼之如不止而血

熱者宜用犀角地黃湯之類○大凡金瘡出血不止若素本

怯弱者當補其氣若陰虛或有熱者當補其血若因怒者當

平肝若煩熱作渴昏眩者當補脾氣若筋攣搐搦者當養肝

血不應用地黃丸以滋腎水

金瘡降真散

二四二

降真香

用節

松香

文蛤

三味等分爲末無論諸傷血出斷折摻破處夾縛定神效

金瘡灰蛋散 二四三 治金瘡出血不止及久年惡瘡

石灰 細研 雞蛋清 以和灰成餅爲度

右將灰蛋餅子煨過候冷研細遇金瘡摻之若多年惡瘡以

薑汁調敷○一方單以石灰摻傷處果定亦血止而愈

龍骨散 二四四 治金瘡

龍骨 赤石脂 五倍子 黃丹

海螵蛸 各等分

右各研入麝香少許共研勻摻上加乾先以鹽水洗搥乾摻

之

桃花散 二四五 治金瘡並一切惡瘡

黃丹 軟石膏 煨過等分

和研勻如桃花色摻傷處甚妙

刀傷跌打經驗方 二四六

凡刀傷磕損跌撲腫痛或出血用葱白細切杵爛炒熱敷患

處葱冷再易神效○一方以三七搗爛罨之神效

立齋曰醫學綱目稱前方有神效余嘗以治前證青腫不散

死肉不潰佐以健脾胃之藥其功尤捷此內外所以合一也

損傷敷夾法 二四七

凡損傷骨折者先須整骨使正隨用川烏草烏等分爲末以生薑汁調貼之夾定然後服藥無有不效

罨跌閃腫痛 二四八

用生薑葱白同搗爛和麵炒熱罨之○如熱服而痛者用梔子加麵炒熱罨之

洗損傷方 二四九 凡傷重者用此淋洗然後傳藥

荆芥 土當歸 生葱 切斷二方 用生薑

右同煎湯溫洗或止用葱一味煎洗亦可

箭鏃竹木刺方 二百五十

白一方治竹刺在肉以齧螬虫研敷立效

衍義方治竹木刺入肉嚼牛膝根罨之卽出

肘後方治箭鏃入骨以巴豆肉微炒同蛭蟬研勻塗傷處俟痒極拔出之

孫真人治箭鏃針刺杵蟻敷塗患處自出

罨跌打夾棍傷 二五一

生薑 陳酒糟 各一斤

同搗爛炒熱罨傷處

治梭傷 二五二

凡梭傷手指者用皂礬二兩水四五碗砂鍋內熬滾將手薰洗良久即血活疼止不致潰爛熬水忌銅鐵器其洗手水過夜即臭惡不可聞

杖瘡四方 二五三

用川大黃一兩加上好冰片二分另研俱為末和勻涼水調如糊攤杖處即時止痛一日後換膏藥貼之

又方加甘草一兩

又方攤藥

大黃

白芷

生半夏

各七錢

右為末以鮮薑汁調敷乾即再敷以黑處血紅為度即換貼

膏藥神效

又方

生半夏

松香

各一兩

右研一處蜜水調成膏貼之勿令見風如乾再換一個即愈

諸骨諸物鯁 二五四

一治諸骨鯁用苧麻根杵爛丸彈子大將所鯁物煎湯化下
一治魚骨鯁用細茶五楮子等分為末吹入咽喉立愈

一治稻芒糠穀鯁喉將鵝卵一足取涎徐徐嚥之即消
一治吞釘鐵金銀銅錢等物但多食肥羊脂及諸般肥肉等
味必隨大便而下

一治吞鐵或針用錫糖半斤濃煎艾汁調和服之

一治吞髮繞喉不出者取自己亂髮燒灰白湯調服一錢

破傷風敷藥 二五三

治打撲損傷傷風腫痛者

南星

半夏

地龍

等分

右為末用生薑薄荷汁調搽患處

菴葶酒 二五六

治破傷風外邪初人或風入於臟者神效

凡頭面身體因破損傷風者頃刻發脹遲則不救速用菴葶
草一二兩酒水各半煎服被蓋緩臥少頃即可消散能飲者
純用酒煎尤妙

防風湯 二五七

治破傷風表證未傳入裏急服此

防風

羌活

獨活

川芎

等分

右每服五錢水煎調蜈蚣散服方在後二六四

白朮防風湯 一五八

治破傷風服表藥過多自汗者

白朮

黃芪

各一兩

防風

二兩

右每服五七錢水煎服臟腑已和而自汗出者可服此藥若

臟腑秘小便赤而自汗者急以後大芎黃湯下之

羌活湯 二五九 治破傷風在半裏半表間宜和解之急服此

湯稍緩則邪入於裏不可用矣

羌活 麻黃 菊花 川芎

防風 細辛 前胡 蔓荊子

黃芩 石膏 白茯苓 枳殼

甘草 薄荷 白芷 各五分

右每服五錢薑水煎日二三服

羌活防風湯 二百六十 治破傷風初傳在表脈浮緊

羌活 防風 藁本 當歸

芍藥 甘草 地榆 細辛 各二錢

右咬咀每服五七錢水一鐘半煎八分熱服量緊慢加減用

之○熱盛加黃連黃芩各二錢○大便秘加大黃二錢○白

汗加防風白朮各五分

大芎黃湯 一六一 治破傷風邪傳於裏舌強口噤項背反張

筋惕搐搦痰涎壅盛宜疎導者急服之

川芎 羌活 黃芩 大黃 各一兩

右每服五七錢水煎服

本玉真散 二六二 一名定風散 ○亦名奪命丹 ○治打撲金

刃破傷風重者牙關緊急腰背及張並蛇犬所傷

天南星 湯泡七次如急 用以濕紙裹煨 防風 等分

右為末每服二錢溫酒調服若牙關緊急腰背及張者每服

三錢用童便調服雖內有瘀血亦愈至於昏死心腹尚溫者

速進二服亦可保全若破傷瘡口及風犬咬傷須用漱口水

或熱童便洗淨隨用生南星為末搽之或以水調塗之出水

為妙

養血當歸地黃湯 二六三 治破傷風氣血俱虛發熱頭痛服

此以養氣血祛風邪不拘新舊並可治之

當歸 酒拌 熟地 各二錢 芍藥 川芎

藁本 防風 白芷 北細辛 各一錢

水二鐘煎一鐘食遠服甚者加酒助之

蜈蚣散 二六四

蜈蚣 一對 炙 鱉膠 三錢 煨

右為末用防風白朮煎湯調下

破傷風灸法 二六五

治跌打損傷或虫獸傷破皮膚以致風邪入內牙關緊急腰

背反張或遍體麻木甚者不知人事急用蒜搗爛塗傷處將艾壯於蒜上灸之多灸為善仍用膏藥護貼內服玉真散如毒蛇風犬咬傷先刺患處去毒血如前法治之

海愈風丹 二六六 治癘病手足麻木眉毛脫落遍身生瘡及

癩風癰疹皮膚搔痒搔破成瘡並皆治之

皂角 一斤剉寸許無灰酒浸一宿以水一碗授成汁去渣用砂礮文武火熬熟 苦參 一斤取

烏梢蛇 白花蛇 土花蛇 各一條去腸陰乾酒浸取淨肉晒乾為末

右為末入前二味和九桐子大每服六七十丸空心煎通聖散送下乾物壓之日三服間日浴之汗出為度

二聖散 二六七 疎風和血去癰毒

皂角刺 燒存性 大黃 半兩 為末

右用大黃半兩煎湯調下皂刺末二錢早服樺皮散午以升麻湯下瀉青丸晚服二聖散

局方樺皮散 二六八 治肺壅風毒遍身癰疹瘙痒

樺皮 枳殼 去穢各四兩 俱燒存性 荆芥穗 一兩

炙甘草 半兩 杏仁 二兩去皮尖用水一碗煮令減半取出煎乾為研

右共為末磁器收貯每服二錢食後溫酒調服

升麻湯 二六九 治諸風熱癩肌肉極熱身如蠱行或唇反綻

裂

升麻 三分

人參

茯神

防風

羌活

犀角 鎊

羚羊角

鎊各一錢 肉桂 五分

水二鐘薑三片入竹瀝少許煎八分不拘時服○或用下瀉

青朮

寶鑑 醉仙丹 二百七十

治癘風遍身麻木

胡麻子 炒

牛旁子 炒

枸杞子

蔓荊子 炒各一兩

白蒺藜

苦參

天花粉

防風 各半兩

台為細末每一兩五錢入輕粉二錢拌勻每服一錢茶清調

晨午各一服至五七日於牙縫中出臭涎令人如醉或下膿

血病根乃去仍量人輕重虛實以用之病重者須先以再造

散下之候元氣將復方用此藥忌一切鹽醋炙煨厚味止可

食淡粥時菜及諸蛇肉以淡酒蒸熟食之亦可以助藥力

和子 浮萍散 二七一

治風癱疥癩

浮萍 四錢

荆芥

川芎

麻黃 去節

當歸

赤芍藥

甘草 各二錢

水二鐘葱二莖豆豉一撮煎服汗出為度

寶鑑 換肌散 二七二

治癘風久不愈或看毛脫落鼻梁崩壞其

效如神

白花蛇 黑花蛇各三兩 地龍去土 當歸

川芎 赤芍藥 天門冬去心 甘草

何首烏不犯鐵 沙參 胡麻子炒 天麻

紫參 苦參 白茯苓炒 細辛

白芷 蔓荆子 威靈仙 荆芥穗

菊花 木賊草 不灰木 石菖蒲

定風草即草烏莖 草烏炮去皮臍 蒼朮 木鱉各一兩

右各另為末和勻每服四五錢食後溫酒調服加飲數杯尤妙

通天再造散二七一三 治大風實熱內壅宜此攻之

鬱金半兩 大黃炮 皂刺炒各一兩 白丑頭末半生半炒六錢

右為細末每服五錢日未出時面東以無灰酒調下晚利下

黑頭小蟲病輕者只利臭穢之物○忌葷腥厚味半年犯則

再作不可救此藥服三五次即愈

白花蛇丸二七四 治癘風○丹陽荆上舍得癘疾一僧治而

愈以數百金求方秘不肯傳館客袁生窺知藏衲衣領中因

醉之而竊錄焉用者多效

白花蛇一條去頭尾連骨生用 烏梢蛇一條去頭尾生用 蟬蛻去土

防風 去苗

金銀花 去葉

枸杞子

槐花

苦參

生地 各二兩

全蝎 醋浸一日
去鹽味

黃芩

黃連

梔子

黃柏

烏藥

牛膝

川芎

牛蒡子

何首烏 不犯
鐵

連翹

天花粉

白蒺藜

威靈仙

荆芥穗

細辛

蔓荆子

金毛狗脊

胡麻子

炒各一兩 漏蘆 半斤洗淨去
苗取四兩

右為末米糊丸桐子大每服五六十九丸茶清送下空心午前

臨臥各一服

白花蛇膏 二七五

治諸風癩疾遍身生瘡

白花蛇

肉四兩
酒浸

天麻 七錢

荆芥

薄荷葉

各三錢

右為細末用好酒二升蜜四兩以銀磁器熬成膏每温服

酒杯日三次煎餅壓下於煖處發汗效

防風天麻丸 二七六

治癩風癩病此方應是仙傳一年中常

療數人初服藥有嘔吐者不可疑服而得愈其效如神

防風 去蘆

天麻

升麻

白附子 炮

定風草

細辛 去苗

川芎

人參 去蘆

丹參 去蘆

苦參

玄參 去蘆

紫參 去蘆

蔓荆子

威靈仙

川山甲炒

何首烏

另搗各二兩

蜈蚣 二條

右為細末同何首烏末拌勻外用胡麻一斤淘淨晒乾炒香熟另研為細末乃入前藥末二兩又拌勻煉蜜和為丸十九每服一丸細嚼溫漿水送下不拘時候日三服宜食淡白粥一百二十日大忌房勞並將息慎口

行藥方 二七七

治癘毒

大黃

白牽牛

檳榔 各一兩

甘草 三兩

輕粉 五錢

右共為細末每服二錢用白蜜三匙薑汁二匙五更時調服

病勢重者七日行一次稍輕者半月一次輕者一月一次或

二十日一次以三五遍為度

皂角散 二七八

治大風

皂角刺

燒存性一錢

大黃

一錢 輕粉 五分

右為末空心酒調服取下惡物○服藥數口齒縫出血甚臭

雷丸散 二七九

取大風虫

雷丸

貫仲

二味先另研

阿魏 各二錢

麝香

一分

水銀

硫黃

雄黃

各二錢半用乳鉢入醋少許研令水銀盡為度

右為細末每服一錢天明溫酒送下

黑虎丹 二百八十

治大風諸癩惡瘡毒蟲內蝕形骸變壞

天靈蓋 三兩

人中白

桃仁

炮去皮尖各二兩

老皂刺

燒存

穿山甲

炒各半兩

輕粉 二錢

麝香

五分

乾蝦蟇

二個去頭足燒存性

右為末煉蜜丸桐子大每服三十九丸首五更米飲連口服

取虫盡即愈○殺勞蟲通用

苦參酒 二八一

治癩風及瘡疹疥癬最多者

苦參

五斤切片

右以好酒三斗浸三十日量飲一合日服不絕覺瘰即瘥

硫黃酒 二八二

殺癘風諸蟲

明硫黃

研極細

右用酒浸空心飲清汁明日添硫黃再研入酒如前飲之

七珍湯 二八三

浴洗大風

青蒿

艾葉

忍冬藤

蒼耳子

桑條

槐條

柳條

三條俱搥碎用

右煎水一桶入炒鹽半斤間日一洗浴蜜室中以簾席圍之

洗出汗為妙不過十次愈

烏頭湯 二八四

治大風瘡癩

草烏 麻黃根 艾葉 地骨皮

朴硝 各一兩

右為粗末用水一桶椒一合葱三十根同煎湯入醋一鐘於
密室中自用手巾圍搭四肢候湯可浴令汗透務使面上如
珠徐起或坐或臥片時汗乾着衣避風五日再浴如此三五
次每浴後更服換肌丹等藥

敷癩方 二八五

雄黃 硫黃 白礬 草烏

蛇床子 燒存性 等分

右為末用香油或濃蜜水調敷患處

直指洗癩方 二八六 浴洗大風瘡

苦參 荆芥 防風 白芷

羌活 獨活 藁本 各一兩 洛陽花 四兩 火酒噴過一宿

右作三次煎水洗冷出汗

梅花白癩 二八七

用香油二碗入鷄蛋黃二枚熬將焦去粗熬油至一碗許

外用雄黃一錢 白礬三分 花椒五分 上共為細末入

油內再熬熟收貯候用○每用猪毛湯熱洗瘡垢搽油三五

次即愈○愚按此方於蛋焦去粗之後入水銀五錢微火漸熱之然後再加硃砂細末二錢並雄黃白礬等末攪熬勻熟收用必效

臘梨瘡 二八八

用杏仁百枚炒為炭入葱白蜂蜜共搗爛先用花椒煎湯洗淨然後用此藥擦之新舊瘡皆可用但勿見風方好

瘡瘡二方 二八九

大楓子仁 木別仁

蛇床子

各半兩

水銀

三錢研散於內

右先以刀刮去瘡痂花椒湯洗淨外用麻油熬成珠調藥付

之八日即愈

又方 用猪骨髓和輕粉搗爛搗之過夜即愈

頭面黃水肥瘡 二百九十

治小兒頭面患瘡濃汁作痒痂厚

者名曰粘瘡當用此方或止用礬丹一味亦可○若作痒出水水到即潰者名曰黃水瘡當用後一方

松香

枯礬

官粉

飛丹

右等分為末麻油調傅或加香烟垢更效於香爐蓋上刮取用之○一方用菜豆松香等分為末麻油調傅極效或內服荆防敗毒散等藥○又方用益元散加枯礬少半以麻油調

敷大妙大妙

諸癬疥頑瘡 二九一

油核桃

大楓子

樟腦

水銀

右四色研勻擦之此治有蟲者大效○一丸無蟲而忽爾生瘡腫痛或濕爛者但以相油搽之即可愈

白虎丹 二九二

發則頭面四肢眼目俱腫而惟額上指尖兩

耳不腫及不見赤色者方是其證

先將馬桶洗淨用沸湯傾入盞少頃傾出盆內浴之數次即

退○再用車前草九里香馬蹄香枸杞苗即雁稜菜同搗爛

和麻油遍身自上而下擦之○大忌鷄魚生冷炙燂日色火

光燈烟湯氣極須謹慎

又方用生香附末冷茶調服一二錢即愈

又方搗綠苳水去渣飲一二碗妙

紫白癜風歌 二九三

紫癩白癜一般風

附子硫黃最有功

薑汁調勻茄蒂擦

若經三度永無踪

又歌

紫癩白癜兩般風

水銀輕粉最成功

搗取生薑自然汁

只須一擦便無踪

又方 治紫白癰汗斑等風

雄黃

硫黃

黃丹

蜜陀僧

南星

右為末先用葱擦患處次用薑蘆藥末擦之擦後漸黑次日再擦黑散則愈矣

又四神散

雄黃

雌黃

硫黃

明凡

各等分先浴令通身微汗以薑蘆擦之再以熱湯淋洗當日

色淡五日除根

汗斑四方

二九四

大黃 二錢

枯礬

椒紅 各五分

右用猪脂沙糖同搗爛俟浴起以細麻布包擦至痛而止數日即愈○或止用硫黃少入麻油研如糊浴用麻布蘸擦數

次即愈

又方

蜜陀僧

硫黃

各三錢

輕粉 二錢

雄黃 一錢

人言 五分

右為末薑汁調用茄蒂醮擦三日內不沐妙

又方

雌黃

雄黃各一錢

硫黃五分

麝半分

浴後薑醮擦二三日勿洗

又方

硫黃一兩用醋煮半日海鯽鮓三個共為末浴後以生薑

醮擦患處須避風少時數度即愈

漆瘡方

二九五

用香油調鐵銹塗之○胃氣實者內服黃蓮解毒湯○胃氣

弱者以漆毒侵犯中氣致虛多有作嘔不能飲食者宜用六

若加砂仁藿香酒炒為藥之類○又解漆毒法見因陣二三

五

手足甲疽 二九六

凡手足間或因修甲傷肉或因損足成瘡潰爛上脚用綠礬

置鐵板上煨沸色赤如熔金色者為真沸定取起研末以鹽

湯洗搽

坐板瘡 二九七

腫痛多膿者

蜜陀僧

生礬

大黃

等分爲極細末敷之

神效膏 二九八 治腫瘡脚瘡

先看瘡形大小用綿紙裁成四方塊十二張四角用小撚釘
在聽用○外以好香油二兩用銅杓以文武火熬之先下花
椒四十九粒煎黑取起○次下槐枝長一寸者四十九節煎
黑又取起○再次下黃占二兩輕粉二分枯礬一分溶清却
入前紙浸油內令透不可令焦取起聽用凡貼瘡時先將槐
枝葱椒煎湯洗瘡令透拭乾乃此膏紙貼上外面再以油單
紙蓋護乃用軟帛縛定一日取下揭去一層復用湯藥洗淨

又貼之盡十二張無有不愈者

隔紙膏 二九九 治腫瘡神效

黃芪末 三錢 輕粉 乳香 沒藥 各一錢

銀珠 一錢 血竭 五分 銅綠 二分

右爲細末真香油調成膏攤油紙上再用油單紙一層以錢
刺孔數十掩膏藥上貼之一日一易其膏

二味隔紙膏 三百 治腫瘡濕毒瘡

石膏 煨 枯礬 等分

右爲末用桐油調成膏作隔紙膏貼之更服荆防敗毒散如

數劑不愈再服黃芪人參湯

爛腿瘡久不愈方 三百一

用米糖即膠飴也以碗盛於飯鍋內蒸化先用花椒荆芥防風等藥煎湯洗瘡淨乃將膠胎薄攤瘡上外以軟竹箬蓋定用絹縛之數日即愈神效

凍瘡方 三百二

瀝青末 黃蠟 各一兩
麻油 一兩

右三味溶化搽患處

湯火六方 三百三

凡初被湯火所傷速用冷竈柴草灰一二升入盥少許以涼水調如稀糊嘗味微鹹為度用以厚攤傷處覺熱則易之連易數次則火毒皆拔於灰中必腫痛隨散結痂而愈誠神妙方也

又方 治潰爛腫痛者 用生桐油調人中白敷之即愈亦

妙方也

又方 用皂礬研細和以冷水澆傷處其疼立止其腫即消

又方 用大黃芒硝等分為末鷄子清調貼之神效

又方 用石膏末香油調敷即愈

又赤石脂散 治湯火傷肉爛赤痛

赤石脂 寒水石 大黃等分

右為末新汲水調塗

湯火至聖膏 三百四

治湯火傷澹用雞子黃置銀石器內熬油調胡粉傅之○鋪衣楊永與厨下夜間回祿凡腫此房已死將死者灌以生薑葛汁良久悉愈凡遇此患者以此治之其應如響

湯火止痛散 三百五 止痛生肌

大黃末微炒 當歸末等分

右用麻油調搽或乾摻亦可

小兒丹毒 三百六

此毒多生頭面四肢色赤或腫遊走不定甚者宜用前磁鋒侵法使毒血遇刺皆出更以神功散傅之內服荆防敗毒散或五福化毒丹若使毒氣入腹則不治或愈而復發皆因母食辛辣炙爇以致內熱宜於母藥中加漏蘆煎服或令自服亦愈。

小兒鵝口 三百七

凡小兒口內白屑滿口者為鵝口瘡則不能飲乳用髮或軟

絹纏指醮并水拭舌上使淨如屑不能脫濃煮栗木湯以綿
纏筋頭拭洗却用飛過黃丹搽之

加味太乙膏

三百八

一切瘡瘍並宜貼之先用隔蒜灸更服

活命飲以收全功

當歸

生地黄

芍藥

玄參

大黃各二

加甘草四兩

用麻油二斤煎丹收

景岳會通膏

三百九

凡諸癰毒疔瘡塊風氣骨節疼痛無所不

治

大黃

木別仁

當歸

川芎

芍藥

生地

麻黃

細辛

白芷

防風

荆芥

蒼朮

羌活

川烏

甘草

烏藥

南星

半夏

香附

官桂

蒼耳

骨碎補

草烏

艾葉

皂角

枳殼

三稜

蓬朮

蘿蔔子

水紅花子

巴豆

五倍

獨活

桃仁

蘇木

紅花

續斷

連翹

梔子

苦參

槐花

皂刺

乾薑

草麻子

透骨草晒乾

穿山甲

全蝎

僵蚕

蜂房

蛇退

蜈蚣

蝦蟆

血餘

獨蒜

四頭

右五十四味用麻油五斤浸三日先煎血餘草麻木別桃仁

巴豆蝦蟆獨蒜待半枯然後入餘藥煎黑去滓丹收後下細

藥十味

阿魏 二兩

乳香 制

沒藥 製各一兩

木香

丁香

雄黃

硃砂

白錫

兒茶 各五錢

麝香 不拘一錢

右麝香丁香木香三味宜最後下之以上收油法凡熬成熟

油一斤下飛淨好紅丹八兩若欲微嫩則止下七兩五錢

神異膏 三百十

治癰疽瘡毒及收口其效此瘡瘍中第一方

也

麻油 二斤

黃丹 十二兩

黃芪

杏仁

玄參 各一兩

蛇蛻 半兩

男髮 如雞子一團

蜂房 子多者佳一兩

右先以黃芪杏仁玄參入油煎至將黑乃入蛇蛻蜂房亂髮

再煎至黑去粗徐徐下丹慢火煎收黃丹不必拘數但以得中為度凡膏藥用必至老硬煎時預留嫩膏少許如硬量

和之。
清涼膏 三一 治一切瘡瘍潰後宜用之

當歸 二兩 白芷 白芨 木別子

黃柏 白欵 乳香 白膠香 各五錢

黃丹 五兩 麻油 十二兩

右用油煎前六味以槐柳枝順攪滿熟丹收然後下乳香等二味

阿魏膏 三一 治一切痞塊更服胡連丸

羌活 獨活 玄參 官桂

赤芍藥 川山甲 生地黃 兩頭尖

大黃 白芷 天麻 紅花 各半

木鱉 十枚 亂髮 一團 槐柳桃枝 各半

右用麻油二斤四兩煎藥黑去粗入髮再煎髮化仍去粗入上好真正黃丹煎收軟硬得中入後細藥即成膏矣

阿魏 芒硝 蘇合油 乳香

沒藥 各五錢 麝香 三錢

右凡貼膏藥須先用朴硝隨患處鋪半指厚以紙蓋用熱炭
斗熨良久如硝耗再加熨之二時許方貼膏藥若是肝積加
蘆薈末同熨之。

硃砂膏 三一三

治一切頑瘡破瘡杖瘡癰疽發背破傷者最

妙最佳

麻油 一斤

飛母 六兩

水銀 一兩

硃砂 佳者一兩半飛

好黃蠟 四兩

先下油熬數沸下雞子二枚敲開連殼投之熬焦撈去子退
火俟油定下水銀五錢再加微火攪蒸飯頃即入丹漸收成

膏後下黃占再攪候大溫下極細好硃砂一兩五錢攪勻磁

罐收貯

神效當歸膏 三一四

治一切發背瘡瘍湯火疼痛等證去腐

肉生新肉其效如神凡洗拭換膏必須預備即貼之新肉畏
風故也如用白蠟尤好此藥生肌止痛補血續筋故與新肉
相宜

當歸

生地黃

黃蠟

各二兩白麻油 六兩
蠟當減半

右先將當歸地黃各一兩入內煎黑去粗又將二味各入一
兩煎至微焦復去滓乃入蠟溶化候冷攪勻即成膏矣用塗

患處以紙蓋之如有死肉須用利刀剪去則生肌尤速
攻堅敗毒膏 三一五 亦名乾坤一炁膏○專攻痞塊諸瘡毒

痔漏

當歸

熟地

生地

白芍藥

赤芍藥

南星

半夏

三稜

蓬朮

木別

兩頭尖

川山甲

巴豆仁

肉桂

五靈脂

桃仁

續斷

玄參

玄胡索

葶麻子仁

白芷

羌活

獨活

大黃

紅花

中烏

草烏

蘇木

川芎

防風

杏仁

各一兩

右用麻油四十兩浸諸藥三日桑柴火煎成丹收後下細藥

乳香 製

沒藥 製各一兩

真阿魏 一兩

麝香 三錢

右方於細藥中加蘆薈木香各一兩蟬酥三錢即名消痞大

成膏

消痞膏 三一六

三稜

蓬朮

川山甲

木別仁

杏仁

水紅化子

蘿蔔子

透骨草

曬乾

大黃 各一兩

獨頭蒜 四個

右用香油一斤入前藥十味煎油成以飛丹收之後下細藥

真阿魏

乳香

沒藥 各一兩

麝香 三錢

右先下乳沒阿魏三味後下麝香攪勻待冷傾水中浸數日

用磁瓶收貯勿使洩氣用時以白布或堅白紙攤貼八九日

一換或見大便去膿血勿以為異亦有不去膿血而自愈者

若治瀉痢可貼臍腹忌房事生冷○凡貼瘰癧積痞塊先用膏

麥麩和作一團圍住患處四邊其塊上放皮硝二三兩蓋厚

紙以熨斗熨令熱氣內達然後去硝用膏藥貼之○右原方

用白花菜同透骨草另煎膏二兩攪入膏內收用但白花菜

惟西北方間有之求覓不易故余用獨蒜蘿蔔子代之其功

亦不減也

琥珀膏 三一七

治頸項瘰癧及腋下初結小核漸加連珠不

消不潰或潰而膿水不絕經久不瘥或成漏證

琥珀

白芷

防風

當歸

木別子

木通 各一兩

丁香

桂心

硃砂

木香

松香 各半兩

麻油 二斤

右先將琥珀等六味為末其餘藥入油煎黑濾去粗徐入黃

丹再煎軟硬得中入前藥成膏貼之

貼痞琥珀膏 三一八 貼癥積痞塊

大黃朴硝各一兩為末以大蒜同搗膏貼之

水紅花膏 三一九 貼痞塊

用水紅花或子每一碗以水三碗用桑柴文武火熬成膏量
痞大小用紙攤貼以無方為度仍將膏用酒調服忌暈腥油
膩不飲酒者白湯下

火龍膏 三百二十一 治風寒濕毒所襲筋骨攣痛及汗痰流注

經絡壅痛不能行步並治歷節風鶴膝風其效如神

生薑 八兩 取汁 乳香 為末 沒藥 為末各五錢 麝香 一錢

真牛皮廣膠 二兩

右先將薑汁並膠溶化方下乳香沒藥調勻待少溫下麝香
即成膏矣攤貼患處更服五積散如鶴膝風須服大防風湯

趙府膏 三二 專貼疼痛腫毒

乾蝦蟇 三個 全蝎 蠶蚕 各一兩 蜈蚣 四條

班蝥 四十個 商陸根 一兩 六錢 花椒 一錢 童子髮 六分

雞內金 二個 槐枝 三寸長者 四十根

細藥

兒茶

乳香

沒藥

血竭

龍骨

黃占

白占

麝香

右用麻油二斤煎飛丹收

蜜陀膏 三二二

此膏治癩濕諸瘡瘋痛等證神效凡治收瘡

先以葱薑擦患處然後貼之

先用蜜陀僧一二斤打碎將童便煮之覺其濁性去而童便

氣清乃可止矣用使煮過則貼瘡不痛取乾研極細如麪候

用

用桐油不拘幾斤熬至將黑為度每熟油一斤用陀僧六兩

收之於將成膏之頃取起離火候稍涼諒膏多少入冷水數

碗徐攪之恐其泛出俟少定即逼去其水再上火熬化復入

水數碗攪逼如前或三次更妙然後熬淨其水每油一斤再

入官粉二兩熬收其色方黑凡熬此者銅鍋須大方可用

八仙紅玉膏 三二三

治諸瘡

龍骨

赤石脂

兒茶

血竭

沒藥

乳香

輕粉

冰片

各一錢

五分或一錢

二分

右用麻油二兩入當歸五錢煎枯去滓入龍石茶竭四味而

煎一二沸次入乳沒畧煎勻後入黃占五錢溶化冷定入輕

水攤貼

碧油膏 三三四

正痛排膿灸後宜用之

桃枝

柳枝

桑枝

槐枝

各二兩

乳香

另研

血竭

各五錢

黃丹

四兩淨

右用麻油十兩煎膏成後下乳香血竭

長肉膏 三二五

人參

黃芪

當歸

夜合樹皮

玄參

各一兩

血餘

三兩

老鼠

一個

細藥

血竭

龍骨

赤石脂

白臘

各五錢

右用麻油一斤煎飛丹收

保養元氣膏 三二六

此膏助元陽補精髓通血脉鎮玉池養

龜存精百戰百勝待婦人經淨之時去膏而泄則可成孕並

治腰膝疼痛五勞七傷者虛自損半身不遂膀胱疝氣帶濁

淫淋陰痿不舉無不效者此邵真人進

御方也

麻油一斤四兩入甘草二兩先熬六七滾然後下諸藥

生地黃

熟地黃

俱酒洗

麥門冬

肉從蓉

酒洗

遠志肉 酒浸
虵床子 酒浸
更絲子 酒浸
牛膝 酒洗

鹿茸 川續斷 虎骨 紫稍花

木別仁 谷精草 大附子 肉桂 各五錢

右熬成以煮過松香四兩飛丹半斤收之次下細藥

次下龍骨 倭硫黃 赤石脂 各二錢

又次下乳香 沉香 丁香 木香 各一錢

又次下陽起石 三錢 藟香 五分 蟬酥

鴉片 各一錢

又次下黃占五兩 右煎成入井中浸三四日每用膏七八

錢紅絹攤貼臍上或腰眼間每貼五六十日再換

煮松香法 三二七 凡用松香收膏藥者必用水多煮一二遍

去其溢燥之性方可貼瘡不痛○若用貼癩瘡血塊則當加

藥如後法煮過用之方妙

大都松香三斤 用皮硝一碗 水紅花四兩

大黃 當歸 生地 各二兩 三稜

蓬朮 各一兩

右藥七味用水一桶先熬汁去滓淨用煮松香徐徐添入以
汁完為度收用之極佳○一收油之法凡煮過松香一斤入

熬熟藥油五兩卽成膏矣

以下通用方

四君子湯

三二八

方在補陣一

治瘡瘍脾胃虛弱或因尅伐腫痛不散潰斂不能宜用此以補脾胃諸證自愈若誤用攻毒則七惡隨至脾胃虛弱飲食少思或食而難化或欲作嘔或大傷不實若脾胃氣虛瘡口出血吐血便血尤宜用之蓋氣能攝血故也凡氣血俱虛之症宜於此湯但加當歸脾胃既旺飲食自進陰血自生若用沉陰之劑脾胃復傷諸症蜂起

六君子湯

三二九

方在補陣五

治脾胃虛弱或寒涼尅伐腫痛不消或不潰斂宜服此湯以壯營氣則諸證自愈

加味四君子湯

三百三十

方在補陣二

治痔漏下血面色痿黃凡諸氣虛脾虛不能攝血等證

四物湯

三三一

方在補陣八

治瘡瘍血虛發熱或因失血或因尅伐或因潰後致暵熱內熱煩燥不安皆宜服之蓋血生於脾脾虛不能生血者宜用四君子加當歸酒炒白朮以補脾

八珍湯 三三二

方在補陣十九

治瘡瘍脾胃損傷惡寒發熱煩躁作渴或瘡瘍潰後氣血虧損腹水清稀久不能愈

十全大補湯 三三三

方在補陣二十

治瘡瘍氣血虛弱腫痛不愈或潰瘍膿清寒熱自汗盜汗食少體倦發熱作渴頭痛眩暈似中風狀者

補中益氣湯 三三四

方在補陣三一

治瘡瘍元氣虧損惡寒發熱或因尅伐肢體倦怠飲食少思或不能起發消散生肌收斂或兼飲食勞倦頭痛身熱煩躁

作渴脉洪大弦虛或微細軟弱

歸脾湯 三三五

方在補陣三十三

治瘡瘍憂思傷脾血虛發熱食少體倦或脾不攝血以致妄行吐下或健忘怔忡驚悸少寐或心脾作痛自汗盜汗或肢體腫痛大便不調或婦人經候不調晡熱內熱或唇瘡流注及不能消散潰斂等症

獨參湯 一三六

方在補陣三十六

治瘡瘍一切失血或膿水出多氣血俱虛惡寒發熱作渴煩躁蓋血生於氣故血脫者宜補氣陽生陰長之理也用人參

一兩棗十枚薑十片水煎徐徐服

人參養營湯 三三七 方在補陣二十一

治瘡瘍脾胃虧損發熱惡寒血氣俱虛四體倦怠肌肉消瘦
面色痿黃汲汲短氣食少作渴凡大病後最宜用此

五味異功散 三三八 方在補陣四

治脾胃虛弱飲食少思即四君子湯加陳皮

生脈散 三三九 方在補陣五七

治瘡瘍胃氣虧損陰火上衝口乾喘促或肢體倦怠肌肉消
瘦面色痿黃汲汲短氣汗出不止食少作渴或膿水出多氣

血俱虛煩躁不安睡臥不寧或濕熱大行火土合病脾胃虛
弱身重氣短或金為火制絕寒水生化之源肢體痿軟脚軟

眼黑等症

當歸補血湯 三百四十 方在補陣四五

治瘡瘍脾胃虛損或服峻劑致血氣俱虛肌熱大渴引飲目
赤面紅晝夜不息其脈洪大而虛重按全無此病多得於飢
飽勞役者若誤服白虎湯必死

黃芪六一湯 三四一 方在補陣五十

治瘡瘍陰陽俱虛盜汗不止

參朮膏 三四二 方在補陣四十

治瘡瘍中氣虛弱諸藥不應或因用藥失宜耗傷元氣虛症
蜂起但用此藥補其中氣諸症自愈

東垣聖愈湯 三四三 方在補陣九一

治脾胃虧損膿水不止或金瘡出血心煩不安眠睡不寧五
心煩熱飲食少思

錢氏 七味白朮湯 三四四 方在小兒七

治瘡瘍胃氣虛弱或因尅代或因吐瀉口乾作渴飲食少思

陳氏 五味子湯 三四五 方在補陣五九

治瘡瘍腎水枯涸口燥咽乾喘促虛煩作渴

參附湯 三四六 方在補陣三十八

治瘡瘍失血過多或膿瘀大泄或寒涼汗下真陽脫陷上氣
喘急自汗盜汗氣短頭暈等證急服此湯以救元氣緩則不
治

人參理中湯 三四七 方在熱陣一

治瘡瘍脾胃虛寒嘔吐泄瀉飲食少思肚腹作脹或痛或胸
膈虛痞飲食不入

六味丸 三四八 方在補陣百二一

此壯水之劑夫人之生以腎為主凡病皆由腎虛而致此方乃天一生水之劑無有不可用者若腎虛發熱作渴小便淋秘痰氣壅盛欬吐血頭目眩暈小便短少眼花耳聾咽喉燥痛口舌瘡裂齒不堅固腰腿痿軟五臟齊損肝經不足等症尤多用之水能生木故也若腎虛發熱自汗盜汗便血諸血失瘖此水泛為痰之聖藥血虛發熱之神劑也

八味丸 三四九

方在補陣百二二

治命門火衰不能生土以致彈胃虛寒而患流注鶴膝等症不能消潰收斂或飲食少思或食而不化臍腹疼痛夜多漩

溺

陳氏加減八味丸 三百五十

方在古補百二三

治腎水不足虛火上炎發熱作渴咽喉疼痛口舌生瘡寢汗憔悴等證

還少丹 三五二

方在補陣一三七

治足三陰經虛損致患鶴膝風等證又補脾腎進飲食之良劑也

大防風湯 三五二

方在補陣九九

治足三陰虧損外邪乘虛內患鶴膝風或附骨疽腫痛或腫

而不痛不問已潰未潰用三五劑後更全用調補之劑

十宣散 三五三 方在痘疹十四

治瘡瘍脉緩澁體倦惡寒或脉浮緊細用之以散風助陽也

薛氏四神丸 三五四 方在熱陣一五二

治瘡瘍脾腎虛弱大便不實飲食少思或小腹作痛或產後

泄瀉肚腹作痛不思飲食

五積散 三五五 方在散陣三九

治風寒濕毒客於經絡致筋攣骨痛或腰脚痠疼或拘急或

身重並皆治之

二陳湯 三五六 方在和陣一

治瘍癰中脘停痰嘔吐惡心或頭目不清飲食少思等症

小柴胡湯 三五七 方在散陣十九

治肝膽經風熱癰癧結核或腫痛色赤或寒熱往來或日晡

發熱或潮熱身熱默默不欲飲食或怒火口苦耳聾欬嗽皆

用此藥

小青龍湯 三五八 方在散陣八

治肝肺受寒欬嗽喘急宜服此發散表邪

八參敗毒散 三五九 方在散陣三六

治瘡瘍外有表邪焮痛寒熱或拘急頭痛脈緊有力
不換金正氣散 三百六十 方在和陣二二

治瘡瘍脾氣虛弱寒邪相搏痰停胸膈致發寒熱服此以正
脾氣則痰氣自消寒熱不作

加味逍遙散 三六一 方在補陣九四

治瘡瘍肝脾血虛內熱發熱或遍身搔痒寒熱或肢體作痛
頭目昏重或怔忡頰赤口燥咽乾或發熱盜汗食少不寐或
口舌生瘡耳內作痛或胸乳腹脹小便欠利

防風通聖散 三六二 方在文陣十六

治時毒熱毒便秘熱燥邪實等症若非大滿大實者不可輕
用此藥

消風散 三六三 方在散陣四七四九

治風熱癩疹癢痒及婦人血風癢痒或頭皮腫痒或諸風上
攻頭目昏眩項背拘急鼻出清水噴嚏聲重耳作蟬鳴

犀角散 三六四 方在痘疹六三

治時毒癰瘍熱盛煩躁多渴赤斑等症

黃蓮解毒湯 三六五 方在寒陣一

治瘡瘍焮痛煩躁飲冷脈洪數或發狂言

普濟消毒飲 三六六

方在寒陣十三

治天行時毒頭面腫痛或咽喉不利若饑饉之後患此者最宜用之仍當兼固胃氣

梔子清肝散 三六七

方在寒陣六十

治三焦足少陽風熱耳內作痒生瘡或出水疼痛或胸乳間作痛或寒熱往來

柴胡清肝散 三六八

方在寒陣五九

治鬢疽及肝膽三焦風熱怒火之症或項膈作痛或瘡毒發熱

加味龍膽瀉肝湯 三六九

方在寒陣六四

治肝經濕熱或囊癰便毒下疳惡癰欣腫作痛或潰爛不愈或舉丸懸掛小便澀滯或婦人陰瘡痒痛或男子陰挺痔漏腫痛或出膿水

清心蓮子飲 三百七十

方在寒陣三二

治膀胱陰虛濕熱玉莖腫痛或莖竅澀滯口苦咽乾小便色赤或白濁夜去靜而晝發熱

黃芩清肺飲 三七一

方在寒陣三八

治瘡瘍肺經陰虛火燥而小便不通

東垣清胃散 三七二

方在寒陣五四

治膏梁積熱唇口腫痛齒齲潰爛喉痛上連頭面或惡寒發熱

竹葉石膏湯 三七三

方在寒陣五

治癰疽胃火盛腫痛作渴

竹葉黃芪湯 三七四

方在寒陣六

治癰疽氣血虛胃火盛而作渴

滋腎丸 三七五

方在寒陣一六三

治瘡瘍腎經陰虛發熱作渴便赤足熱腿軟等證凡不渴而

小便秘熱在下焦血分也最宜此藥經云無陰則陽無以化

若脾肺燥熱所移此必清其化源

瀉青丸 三七六

方在寒陣百五一

治肝經實熱瘰癧腫痛寒熱或脇乳作痛大便秘結

大蘆薈丸 三七七

方在小兒百十五

治肝火下疳潰爛或喉腫作痛或治小兒疳膨食積口鼻生

瘡牙齲蝕爛瘡並虫蝕肛門痒痛

五苓散 三七八

方在和陣一八二

治瘡毒下部濕熱小便短少

五淋散 三七九 方在寒陣百十七

治膀胱有熱水道不通或尿如豆汁或如砂石或如膏油或

熱沸便血

八正散 三百八十 方在寒陣百十五

治下疳便毒小便淋漓脉證俱實者

清肺飲 三八一 方在和陣三五

治瘡瘍渴而小便不利乃肺在右熱是絕寒水生化之源宜

用此藥以清化源其方自生而便自利

益元散 三八二 方在寒陣百十二

治瘡瘍小水不利內生煩熱作渴

四順清涼飲 三八三 方在攻陣二五

治瘡瘍煩躁飲冷熾痛脉實大便秘結小便赤澀

玉燭散 三八四

治便癰初起腫痛發熱大小便秘宜用此行散之若邪實毒

甚者宜桃仁承氣湯

人參平肺散 三八五 方在寒陣三七

凡火尅肺金傳為疰痿欬嗽喘嘔痰涎壅盛胸膈痞滿咽隘

不利

葶藶大棗瀉肝湯 三八六 方在和陣百四一

治肺癆胸膈脹痛上氣喘急或身面浮腫鼻塞聲重

枳殼散 二八七 方在寒陣百一

治煩熱傾血

失笑散 三八八 方在婦人百四

治跌撲產後心腹絞痛或不知人事或經行瘀血作痛感難

槐角丸 三八九 方寒陣一七五

治痔漏腫痛便血脫肛

紫金錠 三九〇 方在因陣二百三



生七因九八

搗鼻淵丸

景岳全書卷之六十四終

外科



五言卷之十四

卷十四

七

卷十四

五言

卷十四

五言

卷十四

加銀之難與銀之難子之難也

其難與銀之難子之難也

其難與銀之難子之難也

其難與銀之難子之難也

其難與銀之難子之難也

其難與銀之難子之難也

其難與銀之難子之難也

其難與銀之難子之難也

其難與銀之難子之難也

其難與銀之難子之難也